

*With best compliment to:*

Rev./Upa/T. Upa \_\_\_\_\_

From:

Khuga Sadar Presbytery (MPCS)  
Tuibuang Bazar, Churachandpur - 795128  
Post Box - 50.

KHUGA SADAR PRESBYTERY (KSP)  
**SEPTEMBER BEIGUAL, 2015**

**Thupi: GINNA LEH NASEP**

By:  
Rev. B. Lala

Published by:

Khuga Sadar Presbytery (KSP)  
Manipur Presbyterian Church Synod,  
Tuibuang Bazar, Churachandpur - 795128  
Post Box - 50.

Copies:

Price :

Setting & Printed at:

Khuga Sadar Presbytery (KSP)  
Computer,  
Tuibuang Bazar, Churachandpur - 795128  
Post Box - 50.

nuai ah um ihi puau a, hehpihna nuai a um i hi zawu ahi. Zia chu Pathian hehpihna zal a gitloh ngaihdamna i chan uh chuh ahi. Zia chauh chuh hilo in mi gitlo chung a zawhna thilhihtheihna i nei a, tichun Pathian ma a dik in i um thei ahi.

A chang leh ei khristian hinkhua hi le Juda ten a sakhua dan uh zuih bukim hin hukdam hih kinepna anei uhin khristian ten le kikhawp taima, sawmakhat piak, pauchap zing, anngawl leh a dang dang ah i thilpha bawlte ziaka hukdam hi kinepna nei i um kha thei. Zia gual mi chu dan nuai a umte ahiu. Dan nuai ah a um lai chan hehpihna nuai a um ahi puan, hukdam ahi theilo ahi. Pathian hehpihna zia chauh ah Jesu khrista ginna zala hukdam ihi (Eph. 2:8-9). Hukdam hihna dingin kuaman nasep in a lawh dawk zou puai, Nasep hi hukdam hih ziaka sep ahi zaw ahi. Ginna leh nasep hi a tawn khawm tei ding ahi khat tello hin umzia a nei diaklo ahi tih Jakob 2:20 in a gen hi.

**Genkhawm di -**

1. Pathian ei mamawhna le gitloh(setan) ei mamawhna genkhawm hileh..
2. I Beigual sunga i phat chuam pih gen hileh..

.....xXx.....

**Ziktu Thumapui**

Khuga Sadar Presbytery 57<sup>th</sup> Annual Session in kum 2015 SEPTEMBER BEIGUAL THUPI “Ginna leh Nasep” guanggal dinga ei ngansiah dungzui in Pathian dawng kawm zingin, ngaihtuahna leh tha leh zung tamtak seng in a bu a siamdaw ahi tai. Lalpa chu pakin um ta hen.

Zillai Bu siam hi thil na mai ahi pua, hinla nu-leh-pa ei ngansiahna suk pitin na dingin thei tawp suah in, apha thei ding pen leh kichian thei ding pen a siam himaleh duthusam a tun zawlohna tamtak um ina, la ngaithiam nau ka ngen hi.

A Bu sung thu ahin **GINNA LEH NASEP** mang in thupi chuam chuam lehkhabu chuam chuam apat leh ngaihtuahna apat zik ahin, zia gual deuh hin hiti deuh leh ti ding um ngei ina. Hinla, i khristian hinkhua’u a ding ahin i phatchuam pi chiat ding uh kinep a um hi. A sung thu hin ginna umzia, Ginna mihangsan leh ettawn tak, Jesu khrista ginna zala hukdam, hukdamna mihing lawhdawh guallo (Nasep phat ziaka hukdam ahihlo dan), thagau thiangtho nasep leh umpihna, Hukdamte ginna leh a dangdang apat gingtute banggual a kalsuan ding i hi em tih hi ahi.

Zia Zillai Bu guanggal ahihlai hin Pathian hopihnite changin a ziktu ngei hinle ka phatchuampih mahmah a, phatak cha i zil uchun i phatchuampih chiat uh ka kinem hi. Zia Zillai Bu mangcha’n Kochuam te lam dik kawkmutu dingin Lalpa’n malzawl ta hen...

*~By Rev. B. Lala*

## **Suklatna**

KhugaSadarPresbytery,57<sup>th</sup>AnnualSession-2014LeimakhongMis-  
sionVengahneina2015SeptemberBeigualthaahThupidingin“Ginnaleh  
Nasep”matdinphasakahin,thuzilbu(subject)hunsiamdinginSadarDistrict  
BialtuPastorRev.B.Lalaguatahi.Nu-leh-PateguatnaRev.B.Lalainlehun  
ngaikhawkintha-leh-zungtamtakhunsengin,ahuntakahaBuahsuadawk  
theidingaakiumtakziakinamachunginKSPsikinkipakthukagenhi.

KochuamtinterlezialekhabuhimangchaalawktheipenahBeigual  
tha hi mang chiat din Pathian min in i ki chial uh ahi.  
Lalpa’nsimtulehmangtuzosiathagaulammalsawmnatamtakinhunzangvuk  
ta hen...

Sd/-  
REV.(THANGLIANMANG)  
Executive Secretary  
Khuga Sadar Presbytery (KSP).

**Zillai - 30**

**GINNA LEH NASEP THAWHDAWH**

Bible sim di - Rom 6:12-14.

Tukum beigual thupi “Ginna leh Nasep” mang in i hun zilto ua, a  
tawpni tiang i hungtung ta. Lunggil ah i zillai masate kha ngaihtuah zing  
kawm in, tuni i ngaihtuah khawm ding un Ginna leh nasep a tak ngei a bawl  
dawh dan hih ahi. Gingtute Pathian hehpina he a, mahleh umpha nuamlo  
chu a hehpitu lungthim a vak sak ahi.

Jesu khrista hehpina zala ginna hukdam hita, baptisma chang chun  
hinna thak atel ta a, a tel gual chun ahinna ah ahing ding ahi. Khrista ah hing  
ahi a, khrista chu a hinkhua ding in a zawm ta, zawm zel ding ahi. Taksa  
hinna’n huih a mamawh gual hin thagau hinna’n khrista a mamawh a, zia  
tello chu khristian hin a hing lo tihna ahi.

Tulai ah khristian, khawvel hindan laka danglam diaklo a hinkhua  
mangte hi sawlchak Paul ngaihtiam loh zawng tak hi ding i hi. Thagau mi  
tih mei le i tinlohna pen chu taksa ah thagau i hin dawhpih peihloh hi ahia.  
Thagau mi i hihna hi hin dawhpih in, Bazar mun tiang in le ati ahi. Thi ta  
ngal, hing diaklo chu a thi pai a, la thih zia chu la hin theih nan ahi. Mihing  
in nasep a pan a lakna hi gingtu kalchawihna chu ahi.

Mihing in khawvel ah a kimaituah pih chu lauhna ahi. Paul in hitin  
a gen, “Mihing hinkhua hi gitlohna leh Pathian in mihing tello in na sem  
theilo ahi. Thu a gen nawp phat leh, mihing mah mangin a gen sek. Hih  
nawp a neih phat leh, mihing mah mangin ahik sak sek hi. Mi a tilkhoh  
nawp phat leh, mihing mah mangin a dawm sang sek hi. Zia gual mah chun  
gitlohna’n le, mihing mah mangin a gitloh sak sek. Gitloh matchak dinga a  
hinna pete i mu tam zaw mai thei hi. Zia khawvel ahin kumtuang a kidouna  
matchak dinga kipe ding i hi em, gitloh matchak ding? Eimah deih telna a  
kinga ahi.

Mihing deih tel theih a tam a, zawh ding gual ahi puai. Paul in dawn-  
huhna chun - Lungkelo leh lauthawng kin, “Juti leh gitloh chun nangmau  
chung ah thunei talo ding ahia” tin agen hi. Bangziak in, a zia chu dan

leh piakin kalsuan zing ding ahi.

Gingtute thagau a i kalsuan nau ahin thilphalo lakin i kiveng ding uh ahi. Ei uh thagau a hing, thagau a puihuai a um ihih uh leh thagau deihdan a hinkhua i mat ding uh ahi. Taksa deihdan leh ngaihtuahna phalo i nei - kiphatsak, kichotuah, leh ki-engtua a um talo in, zia haw zosia hung umna chu gingo mi hinkhua a lak ding chauh leh mani masialna, zia chu gingu hinkhua piak tawh a kikalh ahi.

Ginna hukdam hihna thu tamtak i zillai un i chiah tha ta. Ginna hukdam ihihna hi Pathian ei thilthawn piak, zia chu eimau phatna ding chauh hilo in mite hehpihna piak i kizil ding uh ahi. Thagau thiangtho eimah lung-sung a cheng chu midangte dinga malzawlna hih ding ahi. Pathian hukdamna i changta hukdamna ihawl kit ngaita pua, tuhin ei apat Pathian a dingin midang ipe thei ta ahi.

**Genkhawm di -**

1. Pianthak nungin gitloh bawl theih ahi na lai diam?
2. Gingu ten thagau puihuai a i sep di dan..

.....XXx.....

**HAWL BAILAMNA (INDEX):**

<i>A Ni leh Tha:</i>	<i>Thupi:</i>	<i>Pek No.</i>
September 1	Ginna umzia	1-2
September 2	Nasep leh seplawh kibatlouhna	3-4
September 3	Kithawihna phazaw	5-6
September 4	Pathian kipaksak	7-8
September 5	Ginna zia chu ah thiamchang	9-10
September 6	Ginna leh Nasep kizawpna	10-11
September 7	Ginna ettawn tak Noah	12-13
September 8	Mihangsan te ginna	13-15
September 9	Mihangsan Mosi ginna	16-17
September 10	Ginna gualzawhna leh thilhihtheihna	18-19
September 11	Hukdamte ginna	20-21
September 12	Ginna ah thagau chan	21-22
September 13	Ginna a hukdam i hih Bible in ei zilitil	23-24
September 14	Ginna chauh ah Pathian thutep hukdam	24-25
September 15	Hukdamna dingin Dan chu thaneilo	26-27
September 16	Ginna Pathian cha	27-29
September 17	Goluah tu Go chan	29-31
September 18	Ginna leh Nasep leh PCI Thugin	32-33
September 19	Hukdam te hetding	34-35
September 20	Sakhua nih chiahdan	36-37
September 21	Kochuam panih chiahdan	38-39
September 22	Ismael leh Isaac hinkhua apat	40-41
September 23	Zalenna ah dingdet	42-43
September 24	Zalenna ah dingdetna ding zia	44-45
September 25	Gingtute zalenna i dindet ding dan	46-47
September 26	A kipalsak dingtu het	48-49
September 27	Thagau ah kalsuan	50-51
September 28	Thagau ah kalsuante chetna chu thagau gah	52-53
September 29	Thagau ah kalsuan kizil/Dan	54-55
September 30	Ginna leh Nasep thawhdawh	56-57

**Zillai – 1**  
**Thupi: GINNA UMZIA**  
**Bible: Heb. 11:1-3.**

Ginna chu thil neucha leh thil baihlam tak sak khak ding a lauh um hi. Thuthunglui hun ah ginna neite a kipat ze lehkhathawt tu hin ginna genchetna leh ginna umzia taklang hi. Ze hun lai ah miten ginna a malsawmna thupi tak ala neita mahleu, Pathian hun tiam a tun ma'n thutiam ah um goluahna bukim ala nei ta dih lo uh ahi.

**GINNA GENCHETNA (Ch. 1-3)**

Thuthunglui hun ah Pathian mite leh thuthungthak hun ah khristian te a chuam hilo in, a kibang leh kizawm tou ahiah nau, zia ginna thu ahin pha takin a kilang chian hi. Ze a ginna 'PISTIS' (Gk) hin Khristian thugin cho kawak ahi pua, a tangpi a ginna, ze chu thuthunglui hun ah Pathian ginna le huap ahi. Bible a kigen ginna hi, ahiah khak leh ti ah gin thu dan ah ginna cho ahi pua, thuak hiatna a thugin phasakpihna le ahi diaklo ahi. Ze ginna hin thildang bang cheng sanga Pathian thu dikna hiat ah muang ah, ze a kingak ngamna chu ahi. Pathian thugen Bible apat in i he a, ze i het gualgual lauhthawmna umlo ah Pathian thu ah i kingak ngamna hiah ahi.

**(1) UM NGEI AH HIATNA :** Ze hin 'Ginna chu thil i kinepte um ngei ah hetna' ti ahi. Ze hi Greek ah chun '**Hypostasis**' a umzia chu 'um ngei ah hiatna' tih ahi. Ze thumal hi Bible a mun ni(2) ah mu ahi. Heb. 1:3 - "Chapa chu Pathian" Hypostasis ahiahna taktak, a tak kibatpih ngei tih ahi. A panina - "Hypostasis" i ginna'u kingakna kha a tawp tiang ah i tukdet ua chun...(Heb. 3:14) ti i mu. Ei pau ah ginna ti in kilet mahleh 'PISTIS' (ginna) hilo ah Hypostasis ahiziakin muanna tawh a kinai zaw ahi. Ziakiachun, 'um ngei ah hetna' hin thil pani a chunkhawm hi :-

(i) Thil ki kinepte gin thu chauh hilo a a taktak ah hihna hiatna leh, (ii) Ze i hetchetna dungzui ah kingakna leh muanngamna chu ahi. Ze chuh ahiahziakin, Ginna chu thil um ngei hetchian ah muanngamna chuh ahi.

**Zillai - 29**  
**THAGAU AH KALSUAN KIZIL/DAN**  
**Bible simdi - Gal. 5:24-26.**

Gingtute thagau a kalsuan i hihna leh khrista hehpihna ah ginna a hukdam ihiah nau apat gahsuh thagau gahte i zil ta. Tuni hin thagau a kalsuan ding dan, apat in thagau a kalsuan ten taksa deihna a that, thagau a hinna leh thil phalo laka kiven ding ahiah dan te ngaihtuah khawm hitiu.

Thagau a kalsuan ten taksa deihna phalote a that hi. Paul in "Khrista Jesu ah umte chun taksa chu a thilpha lo ngaihtuahna tawh a nawpna pum in a khenden tau hi" tin a gen ahi. Zia hin gingtute chu ginna hukdam leh dan nuai apat zalen ihiah dinga taksa deihna thil phalo ngaihtuahna zosia khetden ahi ta ahi. Gendan chuam in gen ta leh hin, taksa deihna that a hihloh leh sumang dinga hukdam ihi. Mihing hinkhua a i thilpha chan hem, i nasep ahem a teh ding ahi puai. Biak in thupi tak leh Mission Field i dindawh ziaka lawh ting ahi mei puai. I ngaihtuahna phalo zosia Kross a khetden ahi ta, i hinkhua a hin napha sep leh piak dawh hi ahi. I piak tam chun van a gou khawl khawm i hin, Pathian in zia leisiat a i um lai hin tamtak ei pia ahi. Gingo miten ahiahleh piak sangin lak ahi, zia chu taksa mihing deihna khetden a umta chu ahi. Tichun gingu hinkhua hi pe ding leh pe zel dinga tat i hihna chu ahi.

Thagau a kalsuan ten thilpiak thagau in a hing uh ahi. I Bible ah "Thagau a hing ihiah chun, thagau ma ma'n kalsuan hitiu" tin agen ahi. Thagau hi Trinity a chun a thum channa(third person) ahin, Pa leh Chapa hitawh amau apat hin kumtuang a dinga hung pawt chu lungsiatna hi ahi. Pa tawh Chapa chauh piak i hi puah a, thagau le piak ihi. Thagau thiangtho zala gingtute hing i hih tak ziakin, thagau ngei chun ei pui in, thagau deih gual tak a i um ding ahi.

A ziak chu Pathian thagau in a chenkhum nunga le mihing ah gitloh lungput hi bei diaklo lai ahin, vangam i tung phat chauh leh bei ding ahi. I hinlai sunga gitlohna zosia hi Pathian thagau puihuaina zala zawh ding ahi. Zia thagau puihuaina a chun thagau nasep leh kipumpiak na'n hehpihna

Vaihawmna ale Pathian mun luah a kikoih a thu tan mei lo in thunuaigawlh tak leh chingthei tak a Pathian ei puihna banga chiaah ding ahi. Chuleh, Pathian thilpiak khat i chan lian tak chu kisumtheihna ahi. Zia kisumtheihna hin ei mah ah hindan lui deihna leh nawpna zosia a that ahi. Tichun, Pathian thilhihtheihna ah, piak zel theihna hinkhua i chang thei ahi. A chung a kigen te guala hindan neite chu Jesu khrista hindan kikawppihte ahiu hi. Aziakchu, a bulpi tawh kizawp ahiu(Jn. 15:5). Zia haw i neih theihna chu Pathian tawh kivawp zingna apat hung um ahihziakin miham thilbawl theih ahi puai. Pathian thagau deihgual a umna chauh hin thagau gah haw hi neih theih chauh ahi.

**Genkhawm di :**

1. Thagau a kalsuan te lunggil apat luangdawk thagau gah..
2. Khristian hinkhua a bang gual a gah enle suah thei di..?

.....xXx.....

**(2). THIL I MU NAILOTE :** Mihing hihna ah hetna leh ngahituahna'n a batphakloh te, ze chu thagau thil leh thagau lam tawh kisai ah tunung ah thil um dingte genna ahihziakin, kinepna mah tawh a kizawp ahi. Thuthunglui hun ah mi tamtak Pathian thutiam guitung thei dinga kilatna muhthei thil ah bangma a hiatloh lai ua le, ze thutiam a kingakna zia ua, bang tiang ah haksatna tuak ding himahleu, ze Pathian thutiam ma ah chun a kinga tin ten uh ahi. Thutiam bawlpa Pathian ahih ti ahe'n, Pathian thugen a gen gualgual ah gingcha'n, zia ah chun a kinga tawp uh ahi. A ginna'u ah atungta guala ngai in leh thil muh nailote le lungthim mittha ah hawihtak leh kichian takin a mu'u ahi.

**(3). GINNA CHU PATHIAN A UM TIH GIN LEH AMAH HAWL AHI :** Pathian a ginna diktak i neih na dingin amasa'n Pathian a um ngei tih gin hi ahi. Chuleh, a thu leh thupiak gin ding ahi. Lunggil taka amah hawlte kiangah kipakman a pesek. Tichun, Pathian i hawl chun mu ngei ding ihi, i muh phat leh aman ei malsawm ding, Pathian in a gen "Lei hawl ua, la lunggil zosia'u ah lei hawl uh chun, ei mu ngal tan la'u" (Jer. 29:13). Jacob in, "Pathian chu nai un, tichun a manle hun nai ina", (Jacob 4:8). Pathian dik a um tih lunggil a gin a het chauh ahun tawk pua a hawl le a, nai ngai ahi. Ginna lo in amah kipakna mi hihtheih ahi pua a, a hawlto chu kipak man a piak ding ahih chun Pathian hawl chu ginna nasep diktak hih a. Ziaziakchun, hindan bangkim a "Pathian hawl" hi Bible in a gen ginna diktak lat dawhna pha leh chian tak ahi.

**GINNA CHU GINGTU A SEM SEK AHI :** Ginna chun Pathian thu a awi hi. Pathian bia, Pathian tawh umkhawm, Pathian a dinga nasem, Pathian thu zawm, a chiing leh thihna zawh in a um (Heb. 11:4-12). Chuleh, thil hung tunga ginum dingin ginna chun a sem hamham, thilneih chan ngam in Pathian ah a kinga, malam hun ding Pathian a ging hi, muh theilo chu amu, Pathian thilmak hi amu, lauh um na ah hansanna a nei hi. Zia ginna chunghang i muh chu "thih tinga pang hamham" tih hi ahi. Khawvel thil te hin a hip zo talo ahi.

**Genkhawm di :**

1. Thil i muhloh lai te bangti gin di.

.....xXx.....

**Zillai - 2**

**NASEP LEH SEPLAWH KIBATLOUHNA**

Bible sim di - Rom. 4:4-9; Jacob 2:26

Tuni i zil ding uhi, Nasep tih ahi. Ze hi i het thiam theihna dingin Ginna leh Nasep kizawpna ah, thil pani thumal kinai taktak - nasep kilawh leh nasep danglamna hih ahi. I Bible ahin a gawmkhawm vek ah het ahi. Nasep chu i lunggil leh taksa tawihdan a kilang dawk zosia hi ahi mai hi. Na leh Lawh ahileh chu lawh dawk dinga nasep a kawk bik hi. Nasem chiat chiat a kibang puai. Mi nih na asem gelgel ua, pakhat chun nitha a sum ah kilawh na'n a sem ah, nitak ah muhtheihna dingin zia kha ana ahi. Na a sep ziakin Lawh mutak ahi. A gawitu chun bat a ngai ahi. Pakhat zawk chun ahileh, Lawh mu dingin a sem puai. Na asepep ziak chu apa deih gual ahiziak leh a pa nasep ding a tam ziak ahi. A pa thil neih chu amah ah ahi kit ngen hi. Nasep chu a um ah, Lawh daw ahileh chu a um puai, lawh dawk dinga nasep le a um diak puai.

Bible tawh i et-kak chun, i gennuam chu a lang mai ta. Ziaziakchun, hukdamna chu 'Sepdawh' hilo in, Pathian hepina liauliau ahi tih a chian hi. Nasep chu bangmahlo gual suak a bang ta, ahi diak puai. Thiamchanna chu mihing in a lawhdawh hilo tih a genna mai ahi. A chian diakna'n Rom 4:4-9 ahin chiantakin muh ahi. Thiamchang chun - na asem pua'n, a ging, amah ah thil um ah hilo in, Pathian a ginna a nga, gitlo ahiah apawm ah, amah ginna chu guatsak mai ahi tih a mu thei, ama ginna chu a 'Dikna' gual ah ngaih ahi i mu'i.

Gil deuh in genbeh lehin, Ginna hin ei hukdam puai atih thei hial hi. Ei hukdamtu, i thiamchanna chu khrista Jesu zawk hi ahi. A dikna chu i dikna gual ah ngai ahiziak ahi. A hileh ginna chu bang hem a phatchuamna...? Jesu khrista tawh i kizawp leh i kipumkhatna hi ahi. Zia gual ginna chun nasep a lang ngei ngei hi. Jesu chu mi gitloh nasep lak ah hukdamtu ahi. Pathian chapa tawh pumkhat hita leh kizawp ta hinkhua chun a thilhihtheihna leh lopina ahung luang dawk sek. Ziaziakchun - Jakob 2:26 ".....nasep panglo ah ginna chule a thisa ahi" ati ahi.

**Zillai - 28**

**THAGAU AH KALSUANTE CHETNA CHU THAGAU GAH**

Bible : Gal. 5:22-23; Rom. 8:29.

Thagau a kalsuanna thu i zil ta, tuni hin thagau gah chi kua(9) i Bible a imuh apat enkhawm hitiu. Zia thagau gah chu I Lalpa Jesu khrista ginna a hukdam ihihna apat thagau in gah a suah chu ahi. Thagau gah kua(9) te chu chi thum(3) a khen in, khatna chu Lungsung ah gah, a nihna midang tawh kala gah(Pawlam gah) leh thumna Pathian a gah.

**SUNGLAM AH GAH :** Amasapen a Pathian thagau thiangtho eimah a kisang danglam chu - hehpina, kipakna leh chamna hi ahi. Pathian ei piak ginna hukdamna i chan phat in zia gual thagau gahte chun i lungsung a luah ngal ahi. Pathian thagau thiangtho hungin eimau a hung chengin i napha sep nawpna ahing ahi. Zia chun kipumpiak ah hehpihna a um ah, zia hehpihna kilatna masapen chu i insung a i zi, i pasal, i chate leh ganchate chung in alang sek ahi. Zia hin mahni masialna a umlo ahi. Ginna hukdam i channa ei suk danglam i hihna chu Jesu khrista guala suak hihna hi ahi. Pathian eimau ah a umna midang te phal taka piak a chauh hilo in kipakna ei tun ahi. Hehpihna leh kipakna kigawm khawm chun chamna ahing hi (Kol. 3:15). I lunggil a chamna um chun lungmuanna eipia ta ahi.

**PAWLAM A GAH :** Zia hi midangte tawh kal a hehpina chu ahi - dawhtheihna, nunnemna leh phatna. Midangte chungah i dawh theihna hi, i pawimawh ei bawl sak ziak leh muh ding kinep ziak hilo in, khrista hinna kikawppih ihih ziak ahi zawi. Khrista gualin thilpha hih leh phatna ihi, a ziak chu Pathian thagau in i lungthim luah dim in, i thagau hinna midangte dinga hung luang dawk thei ahi zaw sek hi.

**PATHIAN A GAH :** Gah i suah theihna hi eimah Pathian ah i kipiakna hin ahi. Pathian muang ah a hukdamna leh thutep ahin ginum a um zingin gingtute i kalsuan ding ahi. Jesu khrista ginna chauh a hukdam ahi tih Bible apat ki ziltilna pet manglo a tuchak in, Galatia mite guala kihei mangsan meiloh ding ahi.



ahi.

Zia zalenna hi midang te dinga thilsia bawl na ding hilo in, Jesu khrista ei hehpih guala khat leh khat kihehpihtuah na dinga zalenna zawk ahi (Mat. 22:37-39). Hehpihna ziaka Pathian ei piak hukdam na leh mahni masiallo a zalen taka midang te hehpih theihna hi ahi.

Thagau ah kalsuan te chun hehpihna a sulang hi. Zia hin hehpihna tih leh piak tih hi chiah dan kibang a ngaih theih ahi. Pathian ei hehpih ziakin, gitloh ngaihdamna dingin a chapa ei uh thasang in ahun sawl a, zia gingchate dinga chun thiamchanna um ahi (Jn. 3:16). Ziaziakchun, laa i la sak sek uh, "Pathian ei hehpih gual ahin enle midangte i hehpih ding ahi" ati. Mi kuale Pathian thagau a kalsuan te chu piak thagau in a kalsuan thei uh ahi.

Pathian thagau puhih a kalsuan te midang te hehpihna a neih gual in, nangle thagau a la kalsuan chun midang te hehpihna pian kalsuan din pan la thak hi tiu.

**Genkhawm di :**

1. I Zillai apat hin bang zil dawh la nei em..?
2. Thagau a kalsuan i hui tih miten bang in ei hethei diam uh..?

.....xXx.....

'Nasep zia ahi puai' iti hin 'Nasep' a tel puai tihna ahi puai. Nasep in a lawhdawh thilpha zia ahi puai tihna ahi. Ziaziakchun, ginna zia chauh a hehpina a thiamchanna i gen hin 'nasep' gen mang chi hi puan a. Hukdamna chu mihing nasep in a lawhdawh ahi pua, thiamchanna chu 'Na pha sep' a tel zel hi tina zawk ahi. Zia hethiamlo deuh te chun nasep 'tel keilo' ah thiamchanna a gen sek ui. Nasep zia hilo thiamchan gen sek zawk ahi.

Na pha sep in a lawhdawh hilo in, nasep tel hukdamna i gen ahi. Khenkhat in na pha sep tello hukdamna a gen kit hi. Nasep panglo ginna chu a thi ahi tih i he, ahinla napha sep ah kingak thiamchanna chu 'Dan' gam ah kile kit na ahi kit hi. Ginna zia chauh ah hehpina thiam chang i hi.

**Genkhawm di :**

1. Nasep leh seplawh kibatlouh na gen hileh..

.....xXx.....

**Zillai - 3**

**Thupi: KITHAWINA PHA ZAW**

**Bible:** Gen. 4:3-16; Heb. 11:4

Tuni i zil ding uhi, Ginna'n Pathian kiang ah kithawina a phazaw lat ding tih ahi. Kithawihna thillat hi Pathian i biakna chikhat ahin, khenkhat in mite hih dan mei gual ah hih a um hi. I Bible apat in Pathian pawm tak ah kithawihna thil lat te enkhawm hitiu.

**I. KAINA LEH ABEL KITHAWIHNA :** Ginna et-tawn tak i Bible ah kimu masapen Abel ahi. (Gen. 4:3) Abel leh a U Kaina in Pathian kianga kithawihna a lan gelgel ua, Abel in a Belam hawn lak ah piang masapen leh a thau pen ahun chawi a, a U Kaina in Lou nasem mi ahihziakin, a Lo ah piang Thai leh Thaigahte ahun chawi ve hi. Lalpa'n Abel kithawihna a pawm ah, Mahleh Kaina a chu a pawmlo ahi. Bang zia ahem..? Bible hilchiantu khenkhat chun Kaina hin amin mei leh a kilawmna mei ah Pathian biakna nei in a lungthim ah deihna tak umlo ahihna leh hehpina taktak a bawl lo ahihziakin, a thil lat te chung ahinle Pathian pawmtak ahi pua, a hawilo lamte pia hi ding in agen uh ahi. Kithawihna ah chun pawlam thil chauh hilo ah sunglam mihihna leh lungthim putdan ah pawimawh hih ti a kichian hi. Pathian in Kaina kianga "Bang dinga lungna, la mel thim kei-kui ziang ahem..? A dik la bawl diaklo chun, gitlona chun la kawtkhak bul ah ahun chang zing hi, (Gen. 4:6-7) in a gen hi.

**II. KITHAWIHNA KIBATLOHNA :** Kaina leh Abel kithawihna hin kibatlohna a nei hi. Abel kithawihna chu Kaina kithawihna gual ahi pua'n, hinna nei leh thisan suah ah kithawihna ahi. Zia gual ah thisan suah ah kithawihna lo hin Pathian ngaihdamna a um puai(Heb. 9:22). Zia Unaute nih hun ma ahin, thisan suah ah kithawihna himhim muh ahi pua a, Pathian in zia gual a kithawih ding ahi tia a genna le a kimu puai. Himahleh, Bible ah ganha ah kithawihna ala lan masapen chu Abel ahiziakin Hebrai ziktu hin ahun taklang ah, zia chu ginna thilhih/nasep ahi, ati ahi.

**Zillai - 27**

**THAGAU AH KALSUAN**

**Bible - Gal. 5:13-**

Zillai masa a khan gindan diklo a ziltitu te a kipat kipallohna dinglohna dinga gingtute kalsuan leh kingakna ding dan i gen ta. Tuni hin ginna hukdam te umdan, zia chu thagau a kalsuan ahilohleh thagau a umna ahi. Pathian chate kilungsiat tuah taka kalsuan hi ahi.

Mi kuale thagau a kalsuan te chu suahpi khat ahiu tin Paul in (Gal. 5:13) na a gen hi. Gingtuten i nelhsiah theihlo uchu, ginna hukdam ihih apat chun suahpihnu suahpihpa ihi ta, Pa Pathian masang a chun kibang vek ihi ta ahi. Mite kiet gual in dinmun sangzaw, niamzaw, neizaw, ngaihntat zawk neilo in Pathian in a chate kibang in a enkawl ahi. Mi zosia Jesu khrista thisan a kibang chiat a sawpthian ahi. Zia chu mihing thilpha hihziaka thum a um hilo in, Jesu khrista dikna a thum i hi zaw ahi. Tichun enle midang te enna, khendanna, kinakpih, muhdah neilo in suakpih gual in lungsiatna tawh i pawm ding ahi. Pathian apat mi zosia kibang leh hehpihna thilpiak luang let chu ahi. Pathian in a chate a hehpihna hi a thil hih zia uh hilo in, a cha a hihziakin a hehpih ahi. Pathian in mi zosia a hehpi a chapa ging ta phawt chu Jesu khrista nasep zal in Pathian in a cha ding in ei siam ahi.

Thagau a kalsuan chu Pathian kouhna chang ahi. Pathian in hukdam hi ding in ei kouh a, tichun a lungsiatna chu hung luanglut in - Insung ah, khawsung ah, Pawlpi sungin. Pathian in eikohna ahiloh leh telna hi midang te le lungsiat ding in (Jn. 13:34-35). pathian in khawvel kisiam ma pek apat a tel/kouh ahi (Jn. 7:38; Eph. 1:4; 2:10). Kuale thagau a kalsuan chu Pathian cha hihna kibang chauh hiloin, amah ngei in thagau a kalsuan ding in a kouh ahi. Ginna hukdam la hih chun Pathian cha sak a um leh hehpina mak hi ding in khawvel hukdam tun a kouh la hi.

Thagau a kalsuan te chu a zalen ahi. "Nanghaw, suahpihte haw, zalen dinga koh la hui (Gal. 5:13). Zia Paul in Galatia mite kianga a lehkha thawt ah a thupi chang chabi ahi. Thagau a i kalsuan chun, Mahni'n Dan nuai ah hukdam hihna dinga kiese dawhna ding chungchang apat zalenna

Chuleh Pathian a mi pathum - Pa leh Chapa leh Thagau thiangtho a pawm puau a. I Bible in Pathian ah mi pathum Pa, Chapa leh Thagau thiangtho kichian takin a lang hi (Gen. 1:28; Mt. 3:16-17; 17:5; 28:19-20).

Chuleh, Church of Christ in ginna ngen in hukdamna a tingzo puan, hukdamna dingin Baptisma tui a sitphum a, Jesu min a chan ding ahi atiu. Zia hi Penticostal tawh a kibat nau ahi. I Bible ei kawkmuh dan chu ginna Pathian hehpihna ziaka hukdam ihih (Jn. 3:15,16,36; 5:24; 6:4,40; Nas. 10:43; 16:31; Eph. 2:8,9). Zia lo chun amau pawl Church of Christ hi Lal Jesu phudaw zia pawl a umlo chu hukdam hilo in a ngai ui. Jesu khrista ginna zia a hukdamna changte zosia khrista kochuam ahiu. Pawl min ziaka hukdamna chan ahi puai (Jn. 3:16,17). Chuleh, amau hin hunbi a Bible khen in a diak in Nasepte mangchan a ki zilti un, Bible dangte a chiasa a ngai in ki zilti na dingin a ngai pawimawhlo uh ahi. I Bible pumpi Bu 66 hi Pathian hatkhum a zik Pathian kilakna buting ahi (2Tim. 3:16).

Gindan diklo ki zilti na Paul in Galatia Kochuam te a zilti na - Thawi(chawl) tawmchan vaithum chu a leng in a zen suak sek hi (Gal. 5:9). Thugin diklo chun Kochuam sung a bul in zia gual in langlo mahleh thil-sia hungtung ding ahi. Thildang zektan, kut ni, thathak, pawl min thu ah kuama'n hun dem dah tau hen. Zia haw chu thil hungtung dingte lim ahia; A tak vang chu khrista ahi (Kol. 3:16-17). I Lalpa'u Jesu chauh hi i hukdam nau ahi (Lk. 19:1-10; 23:42-43; Jn. 8:1-11). Van nuai min sak lak a ei hukdam thei min dang umlo ahi (Ns. 4:12). I Bible in 'Ngei' Belam vunsilh atih guala Pathian thu thutak chanve mangcha thepna laka i kipal lohna dingin i hukdam nau, i bitnau leh i hatnau kumtuang Pathian lemkuat Jesu a dettak a kinga'n, dingdet hitiu. I dindet theihna dingin a thu i hetchian a ngai ahi.

**Genkhawm di :**

1. Jesu khrista ginna ah hukdamna hi buting in ihe nau em?
2. Gindan diklo zilti na i kipallohna dingun bang tin pan i la diam?

.....xXx.....

Pathian in Abel kithawihna a pawm ah, zia chu midik ah Pathian in a pawm na muh ahi. Midik chu ginna'n hing ina (Heb. 10:38). Abel kithawihna Pathian in a pawm ziaka a suapih pa Kaina'n a mitthip zia kin a that ahi. Pathian pawm ah um hi thil lawklo ahung bang thei hial hi. Himahleh, i Bible in "Thita maleh, a ginna zia kin thu a gen zing nalai hi" ti'n Abel ginna chu umden ahihna a sulang hi. Moffatt in hiti hin a gen - "Thihna hi midik hinkhua a tawpna ahi puai". Mihing in zia k khawvel a nutsia phat leh bang hem nutsiah anei sek, zia a thil nutsiah chu apha hin, a sia hile bei ni umta lo in thu gen zing hi. Mihing hinkhua thil kihdak um tak nusiah tu hilo a, khang hung um zel a mite dinga thilpha malzawl na a chan theih na ding uh nusiah theih dingin Lalpa'n hun umpih ta hen.

**Genkhawm di :**

1. Pathian pawmtak a kithawihna ding ahin bang guala kithawih ding ahi diam?
2. Khawvel i nutsiah nunga thugen zing thei ding bang thil nutsiah a phan i heu em?

.....xXx.....

**Zillai - 4**

**PATHIAN KIPAK SAK**

Bible - Gen. 5:21-24; Heb. 11:5,6; Juda 14.

Ginna ettawn tak Enok hinkhua apat zil ding ihu. Enok hi Pathian tawh kivawp zing ahui ah, zia gual ah Pathian tawh umkhawm te cho lo ngal in Pathian pakchakna mutheilo ahih enkhawm hitiu.

**I. PATHIAN KIPAK SAK MI :** Enok chu Jared chapa ahia, kum 65 ahih in chapa Mathusel a nei a. Zia nung kum 300 sung Pathian tawh a kivawp ua, zia zaw chun Pathian in ala mang ta ahi (Gen. 5:21-24). Thuthungthak inle Enok in Pathian apat in kilakna ala mu a, thagau lam leh tunung hun ah thil hung tung dingte ala mu ahi. Enok, Adam ah kipat suan sagih(7) na chun, zia te chungchang chu ala genlawk ah, “En un, Lalpa chu a mi thi-angtho ah sangtel tawh a hung hi” ti in (Juda 14).

Pathian tawh kituak ah um ahihziakin, Pathian in amah gitlohna gah, thihna teplo in a hinga, suk danglam na a tuak sak ah, leichung ah um talo ahi. Zia hi bang dang ziak hiloin, ginna ziak ahi tin, Hebrai ziktu chun ala gen ahi. Ginna neite cho in zia gual ah Pathian tawh kivawpna chu a nei thei ua, zia gual ah Pathian tawh umkhawm te cho lo ngal midang kuama’n Pathian pakchakna a chang theilo uh ahi, ti i Bible in a gen hi. Enok thupi mahmah na hi, amah hunlai ah siatna, phatlohna leh diklohnate gual ah umlo ah a chuam ah thiangtho takin a um thei ahi.

**II. KIPAKNA MU :** Ginna lo in mi kuamah in Pathian chu suk kipak theih ahi puai. Zia ginna hi thagau lam thilte pawmna leh Pathian thutep te, a guitung nailote tiang gingcha ah kingak ngamna neite ahi. Thagau lam thil te ginchak kiti chu amah ‘Khang zosia ah Lalpen, thi theilo, mutheilo, Pathian pakhat kumtuang Pathian gin,,,(1Tim. 1:17). Zia hi hechian in, Paul in “Tichun het a kipat in ginna a um a, het ding chu Pathian thu chu ahi” (Rom. 10:17). Pathian ahihna hechian chun a muang ngam a, bangkim in amah lemguat chu apha pen ahi tia kingak ngamna ahi. Zia chu Pathian lunglam ahi. Enok, Pathian tawh a kivawp zing theih nau thuguk chu a ginna ahi.

**Zillai - 26**

**Thupi: A KIPAL SAK DINGTU HET**

Bible: Gal. 5:7-12.

Tuni i zil khawm ding uhi ginna hukdam te hinkhua a i kipal na theihte hetchian a pawimawh mahmah khat chu ahi. Paul in hiti hin a gen nuam chu - “Nang uh, Galatia mite Pathian thu nahet ua, nalung sungua cheng a, khrista ah lungmuang tak ah la um uhchu thilpha ahi”. Hinla tuhin zia khristian hindan chu taihsan in a pawimawh talo dan lui lam a la kiheikit mei tau a, bang la tih nau hem? Kua’n ahun thep thak ahem? ti’n a zilgaih ahi. Khristian hinkhua ahin ziltitu diklo i kipal theihna ding te hetchian a ngaihna imu ahi.

Ziltitna gindan diklote hin Pathian thu awi leh Pathian min pansan a nasem in Bible tawh kituaklo a ki ziltitna, puihuaina, mang a amau pawl a mi puilut gaw te ahui. Nidang lai a chanchinpha i gamsung ua ahunglut til in gindan diklo tawh ahunglut khawm puan, Pathian nasepna a nuam a, Kohchuam le abit hi. Tuni tiang hin pawl min leh thugin na ngawn gensen loh khawp in a um hi. I Bible in agen ngei Belam vun zilh lak a khawsa i hih tak ziakun bangkim ah lunggel detdet a ka thuhet, umna, chiahna, zuih hi Bible tawh kituak a kiziltitna ahi ngei nai tih hechian a, petmang theihna lak a ginna piting taka i khawsak ding uh ahi.

Paul in Galatia kochuam te khristian hizing Mosia dan zui a kilehkit dinga Judate puituten hukdam hihna dinga zektan leh Mosi dan zawp hi ahi tia a ziltit un khristian tamtak a nungtawl uh ahi thu i mu ahi. Ziagual chun eimau inle gindan diklo te lak ah i kochuam tawh kisukha zing - a diakin Penticostal, Church of Christ leh a dang tamtak a um. Penticostal hin Jesu tatna a buting puan gitloh ngaihdamna dingin Jesu min a baptisma chan ding ahi tin agen uh ahi. I Bible in Baptisma hi hukdamna hilo in Jesu ah hukdam na changten Pathian a hih nau, Pathian ma-ang ah a puan nau ahi. Hukdam hihnung a chan ahi.

Pathian kiang i tun phat chauh uh le thiamchanna bukim i neih ding uh ahi. Thildang zosia sanga i deih pen uleh ngaihsan pen uchu Jesu Khrista hi ahi. Amah a pat chauh chun zia gual lim na leh kipakna chu i muh ding chuh i kinem in i ngak ahi. Zia hi gingtute kinepna leh kingakna bul Paul in ala gen chu ahi.

**4. LUNGSATNA CHIAH :** Dan thu dungzui a thiamchan hilo in ginna zal a thiamchan ahihziakin Paul in “ginna ah hehpihna bep chu a phachuum ahi” ati. Ziakiachun, ginna ziaka hehpina hi a thupi pen leh lopipen ahia, zia lo chun zektan leh tanlo chun bangmah phatchuamna a um puai. Pathian lungsiatna zala ginna ziaka hehpina hi ahi khristian te a dinga lungsiatna bukim tak nei a ginna tawh thuah a sep ding hi, gingtute chung a Pathian kinepna leh ei deihna ahi.

Gingtute Pathian chapa Jesu khrista hehpihna zala ginna hukdam i hi. Dan puibuaina nuai a umlo in - “Thagau puihuaina, ginna, kinepna leh lungsiatna’n i chiah zel ding uh ahi”.

**Genkhawm di :**

1. Thagau puihuai a chiah umdan genkhawm hileh..
2. Midang te chung ah hehpina tak nei a sep ding dan genkhawm hileh..

.....xXx.....

Ginna lo in Pathian suk kipak sak theih ei puai. Ginna nei mi chu Pathian in a suhat a thilhihtheihna in a thuam a. Amah deih dan in a puizel ahi.

Zia Pathian ginchak kiti chu alou theilo ah, athu ginchak chu ahi. Himahleh, Pathian khat a um tih ginchakna chauh ahi pua, Pathian khat chauh nidang lai ah Zawlneite manga a deihdan ala gendawk ah, cha hun ah a chapa ah thu genpa ginlahna umlo ah ama ah a um hi. A thu dik ahi tih he a, kuale ti taktak ah naihte leh hawlte a lawsam sak ngai puai ti a muang ngam ding uh ahi. Zawlneite hun hi’n, chapa hun hitaleh a kilakna hih mite a dinga muan tak ahihna ah hiatchian sak ahi. Zia gual ah amah hawl ten kipakman a muh uh thupipen chu “amah ah mu ziaak ua kipakna hi ahia, zia khela kipakna thupizaw leh lopizaw a um thei puai”.

Mihing in Pathian a um lam he a, a kiang a zawtna, a taktak ah-hina dingin Pathian ah hetna mahmah ataktak ahih a pawimawh hi. Zia gual mi chun Pathian a kipat kipakna a changlo theilo uh ahi.

**Genkhawm di :**

1. Bang gual a Pathian tawh kivawpna nei thei di..?
2. Pathian i hetnau genkhawm hileh..

.....xXx.....

**Zillai - 5**

**GINNA ZIAK CHUAH AH THIAMCHANG**

Bible Rom 3:21-31.

Zia ginna ziak chauh ah thiamchanna thu hi 1517 AD apat ah Protestant ten ala gen uar mahmah uh, tu tianga ila gen pen uh ahi. Roman Catholic apat Protestant hung pawt na ziak bulpi pen khat chu zia thugin “Ginna ziak chauh ah hehpina ah thiamchanna” hi ahi. Catholic kochuam in zia thu hi pawm thei leh chu martin Luther khan a chuam ah kivaihawmna umlo a Pope thunuai ah kipiaklut kha deih hi’n alang hi.

Ginna ziak ah thiamchanna hi chanchinpha ah alaimugil ahizhiak hin hiat khial theih ahi. Nasep uar takluat ah hehpina umzia man khalo a um theih ahi lai in, hehpina tih takluat guat ah Pathian hehpina diktak i taihsan kha sek ahi.

Bible ah imu “ Khrista Jesu tatna zal ah chun, a hehpina zia kin a thawn ah thiamchan sak i hitau hi” (Rom 3:24) tin a gen hi. Zia khrista dikna hih eimau ah muh dinga umlo lai in, ginna ziaka eimau dikna gual in Pathian in ei phuan sak ta ahi. Tichun, i thiamchan na chu bangmah dangin a kinga pua a, khrista dikna chauh chun a kinga ta ahi. Midik ah phuan i hihna dikna chu, i pian ma pek ah khrista dikna kha ahi. A dikna chu keima dikna ahi mei pua a, keima ah ei belhsak tak zia kin ka dikna ahung hita chauh ahi. Zia dikna hi kei dinga sim, kei a, ka hinpih, hukdam ka hihna ziak himahleh, ka sep dawh leh ka lawhdawh ahi puai.

Catholic ziltilna ah chun, khrista dikna ziaka thiamchanna chu a paih diak puau a. Khrista dikna chu midik i hihtheihna dinga ‘lo theilo’ gual in a ngai tho hi. Mahleh, a danglamna chu zia hi ahi. Catholic ziltilna a chun khrista dikna chu gingtu a bel hilo in gingtu a ngak ahi. Ngak ahik tak chun, mihing in a pui a, ahung pangta, zia hehpina leh thilhih pankhawmna chu a thiamchanna kingakna ahung hita ahi. Zia gual ziltilna hi thiamchanna chu mihing a kinga, hehpina tello chu ahi. Reformer te chun Pathian in midik ah a phuan hin amah a um dikna leh phatna ziak ahi pua a. Khrista dikna kha a dikna dinga simsak ziak ahi. Gingtu ah chun dikna a um pua a,

**Zillai - 25**

**GINGTUTE ZALENNA I DIN DET DING DAN**

Bible sim di - Gal. 5:5-6;

I Zillai masate a khan ginna hukdam te zalenna dingdet tih umzia, leh a ziak te i gen ta. Zia chu Jesu khrista ah i neih zalenna din det na chu ginna hukdamna apat zalenna i chan chu ahi. Tuhin ahikleh zalenna i dindet ding dan lam li’n (4) ginna hukdam na zalen i hih nau Bible ei ziltil dan apat in - thagau a chiah, ginna a chiah, kinepna a chiah leh lungsiatna a chiah tih enkhawm hitu.

**1. THAGAU A CHIAH :** Paul in Gal. 5:5 na a gen nawp chu ginna ziaka Pathian ma ah thiamchang gingtu te kingakna thubul a hilhchianna ahi. Thagau ziaka ginna chan ding tia Paul in a gen hi het haksa khat ahi. Zia hin Pathian thagau thiangtho thil hih ginna chu a dikna a guat ahi. Dr. William Hendrickson in “Kuale Judate sakhua ki ziltilna zuite chu hehpina puksan ahi tau, a ziak chu thagau thiangtho nasep in a kawihlo uh ahi. Ei uh khristian ten i hetchianna chu thagau hi bangkim a puitu leh zawhna ei chansak tu ahi”. Zia hi thagau nasep ginna i lungsung ua um chu ahi. Hukdamna hi gingtute ah thilpiak leh thagau thiangtho in a phu chu ahi (2 Thes. 2:13). I zalenna(hukdamna) hi Pathian thagau thiangtho leh thutak ging a hih thiantho i hihna ahin i dingdet ding uh ahi.

**2. GINNA CHIAH :** I Lalpa Jesu khrista ginna zala thagau thiangtho sukthianna a chun Pathian masanga thiam ei chansak uh ahi ta; eimah kihah bawl man leh thilhih phat ziaka thiamchanna hilo ahi dan (2Kor. 5:21) hin kichian takin a gen hi. Hukdamna piak a um i hihna hi thagau thiangtho nasep ahi, zia thilpiak ah ginna Pathian thilhihtheihna zala a chapa Jesu khrista hukdam i hih nau ahin i dingdet ding uh ahi.

**3. KINEPNA CHIAH :** Paul in ginna ziaka dika guat ihu atia, hinla “Kinem a ngak” a tikit hi. Zia a kinem a ngak atih hi, ei uh khristian te hi dan a thiamchan guate ihi puau a, ginna ziaka thiamchan kinemte ihu ahi. Thiam le i chang un, ahinla i thiamchannau chu bukimlo lai ahi.

dawn nau ahi. Thil hih ziaka hukdam ahi puan, Jesu khrista ginna chauh hi hukdamna lampi chu.

Khrista tawh kikhen hi ding la hiu (Gal. 5:4). Zia taka Paul in a gen nuam pen chu “Ginna ziaka thiamchan leh Dan lui, Mosi Dan zui a thiamchan guat” kikal ah hethiamlo te hilchetna ahi. Jesu khrista zala ginna a thiamchang i hihnau hi tu det in i dingdet ding uh ahi. Hinla gingu khenkhat tukhang ahinle ziltina sakhua dan leh dun zuih a khristian hihna bukim gual a ngaihna a um ta ahi. Dan thil hihphat ziaka thiamchan a guat zia leh a nawp zia un, khrista a gingcha zo talo uh ahi. Ziakiachun lungsiatna ziaka ginna a hukdamna chu puksan leh phatsan in, khrista tawh a kikhen tau ahi (IKor. 15:21; Heb. 2:14).

“Hehpihna chu la puksan tau” tih (Gal. 5:4) Paul in a gen hi. Hehpina leh Dan hi a chuam gel ahiu a, gawp khawm theihloh ahih gual in khristian sakhua hi sakhua dang tawh mek mat theih ahi puai. Mikhat in hun khat a lampi nih a zawt thei puai. Ziakiachun khrista hehpihna ziaka ginna zala thiamchang i hi zaw, Mosi dan ahiloh leh thilpha bawl zia kin kuamah Pathian ma thiamchang lo ahi. Khrista chauh ahin i kinga'n i dingdet ding ahi.

**Genkhawm di :**

1. Sakua dan zuih bukim na hih i thiamchan nau ahi diam?
2. Khristian sakhua hi sakhua dang tawh a kimilh theihlo dan uh..

.....xXx.....

khrista dikna kha bel/kawih ahi. Khrista dikna chauh kha Pathian ma a ‘midik’ ahung hihtheihna chu ahi. Pathian chu a dik a, migitlo midik ah pawmtu ahi. Zia chuh khrista dikna chauh a um thei ahi.

**Genkhawm di -**

1. Bang apat leh kua kiangah thiamchang i hiu a..

.....xXx.....

**Zillai - 6**

**Thupi: GINNA LEH NASEP KIZAWPNA**

**Bible:** 1Kor. 1:30; Phil. 3:9.

Pathian in midik a ei gentheihna zia chu khrista dikna ahiloleh felna ei silhsak zia ahi. Khrista dikna ei silhsak a, tuhin chu khrista dikna silhtu i hi ta ahi. Chit theih a ngaihna tak chu zia hi ahi. Pathian in migilo, kisiampha nuam diaklo, gitlona chim tik neilo kha, midik ah a kawih em? tih hi i ki dawt ding hina. Gingu chu midik ah siam hilo in, midik ah guat tih chungchang hi, John Gerstner chun hiti hin a gen hi - ‘Zia dikna thuphuan hi ahihna kisang danglam lote chung a chun puan ahi puai’ ati tawp hi. Pathian in lungthim kisang danglam keilo chu dinmun kisang danglam in a kawihlo ahi.

Zia thiamchan sakna hin, i gen tak gual in, migitlo chu midik guala phuan mei himahleh, mihing lungthim suk danglam hi a mek kawp hi. Pathian hehpina i gen a, thiamchan sakna i gen lai in, sukthianthona hi a tel zel ngai in a, a kitawn khawm ahi. Sukthianthona leh sukhinna tello chun thiamchansakna a umlo ahi. Ginna leh thiamchansakna hi chuam daih maleh, thiam i channa a ginna atel gual tho hi ahi.

Thiamchanna ahin kizawpi khen thak theihlo anei, (etsakna - Mei leh a khu) a huap neu zawng a gen in thiamchansakna chu Pathian in midik guala migilo ah pawm hih ahi mei a, a huap lian zawng ah gen in,

thildang le a kankhawm ahi. Sunglam leh pawlam ah siamthakna hinkhua muh ding umlote le hukdam ahih zel gual i ti mei ahilo chun zia hi i hiat thiam a ngai ahi.

Mihingte dinga Pathian nasep ahin, ginna in chu mihing hihna(nature) siam danglamna ahi. Gingtu zosia hi siamthak ahi. Zia hin thiamchansak ta zosia hi siamthak ta ahi tih a kawk hi. A hihna kisang danglam mahleh a bukim chu hilo ahi. Zia siamthakna hem?, ki sang danglam na hem?, ahiloleh zia apat hung zik suak ginna hem, chu thiam ah channa kingakna ahi puai. Thiamchang ahihna zia chu khrista dikna/felna chauh ah ahi. A zia chu khrista dikna chu ginglo, kisiamthak lote hem a chun belh ahih puai tina ahi. Gerstner chun hitin a gen - “Jesu khrista chu Pathian in a teltak thagau tawh pumkhat ahih chia chun, a kipumkhatna chu a detin a hat mahmah a, piangthak thagau chun a kumtuang hukdamna dingin khrista a chun a kinga ta, a gitlo zosia lak mang sak ahia, chunglam dikna chu a chang ta ahi. Zia ahinna chun khrista chu ging in thu a zawm ta ahi”.

**Genkhawm di -**

- 1. Ginna leh Nasep kizawpna tak hi...

.....xXx.....

**Zillai - 24**

**Thupi : ZALENNA AH DIN DETNA DING ZIAK**

**Bible:** Gal. 5:2-4; Nas. 15:1; Rom. 9:31; Heb. 12:15.

Tuni i zil ding uhi gingtute khrista a chun zalen i hita, zia zalenna i din detna ding zia uh, Paul in Galatia mite kiangah hiti hin a gen ahi. “Ngai un, kei Paul in la kiangua ka gen hi, zek la tan ua leh khrista chu nang uh a dingin bangma phachuam puana. Ahi, dan thu zosia zui dingah bate ahiu ti, zektan te zosia ka hiatsak kit ahi. Nang uh Dan a thiamchan gawte haw, khrista tawh la kikhen tau ah, hehpina chu la puksan tau hi” (Gal. 5:2-4). Zia hin thil li het ding chu zektan ziaka hukdamna chan ding tia zilti la hih uh chun khrista nasep zosia bangmahlo la chan uh hi ding ahi. Dan suak a kileh kit hi ding la hui. Khrista pet mang san leh hehpihna chu la puksan uh hi ding ahi.

Khrista chu nang uh a dingin bangma phachuam puan a (Gal. 5:2). Teacher’s Outline leh study Bible commentary chun zektan hi hona ahihloh le biakna dan in agen hi. Zia hin sakhua biakna nasep a hih kinga in Pathian ma a pawm tak a kingaihna a nei uh ahi. Galatia te dinga Pathian biakna amat uh chu zektan ahi. Hindu ten Puja, thillat, munthiangtho a chia tih te hi ahi kit. Muslim ten a biakna dan ua nikhat a ngavei Mecca mun thiangtho lam nga a pauchap uhi ahi. Khrista’n ei uh dingah a nasep hukdamna khel a thil danga kingakna hin khrista nasep bangma lo i chansakna ahi. Khrista tello a hukdamna hih la guat ahih chun lampi dang hawl hin la tin hukdamna chu mu diak puan la. Khrista chauh hi ahi hukdamna lampi umsun chu.

Dan thu zosia zui dingah bate (Gal. 5:3). Bate tih hi bawllloh theihloh dan thupiak zuihna ahi. Min sakhua chia dan khat zui a hukdam hi pawm a, zektan(Judate) baptisma, thawhlawm piak hat, kikhawp taima, zia i thil hih phatte ziaka hukdam hi a kikawihte chu dan suak a lut kitte zia hukdam hi a kikawihte chu dan suak a lut kit te gual chu ahi. I thilpha hih zia kin hukdam ahi puai. Suak hilo dingin khrista chun ei thadawk ta, amah gingtuten i bawl ding uh sacrament Lalpa Anthiang leh Baptisma, zia hih hukdam hihna teptena chu ahi. Pathian in a malzawlina leh hehpihna ei piak i



hung thak kit tai”(IIKor. 5:17). Mihing chung a gitloh thuneih na chu suksiat ahi ta, ginna ah hukdam ihih apat leh Pathian thagau in kumtuang hinna chu i lungthim ah a tuh apat in.

3. Thuak ding lauh um na apat zalenna (Rom 8:28-39). Dan nuai a i um zing lai chun, thil lauh um panih i chung a um chu - khatna, i lauhna tak chu Pathian them bih zolo ihih zia kin. Anihna, thuak ding lauh um na i lungthim ah, a zia chu Pathian kipakna sem buting zolo na hin.

**II. BANG DINGA ZALE SAK IHIH EM? :**

“I Zalenna ding a chun khrista’n ei thapsak tai. Gah suah dinga tatdawh ihi. Pathian in ei tatna zia khat chu - ei guatna zia supiting dinga siam ihi, zia chu “Piak ding” tih ahi. Jesu’n “Kei Grep gui tak chu ka hi, ka pa chu a Grep huan neipa ahi. Keimah ah bak galo tapo chu a sattha sek hi. Abak gahsuah tapo chu, a gah tamzaw k diakna ding in a hithiang sek hi.... nangma’u ah ka um gual hin, keima ah um zing un. Bak chu a guipi tawh a kizawplo leh amah ngawn ah a gah theihlo gual in, nangmau le keima ah la um zinglo ua leh gathe lo gual in, nangmau le keima ah la umzinglo ua leh ga thei puan la’u” (Jn. 15:1-4). Gasuah theih na ding in khrista ah um ngai ahi. Khrista’n thilpha hih dinga ei tatdawh ahi - “Thilpha hi dinga khrista Jesu a chun siam ah um in, amah khutsuak i hi ngal un; zia thilpha hi chu I khawsak dan ding ua Pathian in a siam khawlsa ahi” (Eph. 2:10). Pathian in thagau gah a hinsuah ding in ei dei ahi (Gal. 5:21-22).

Pathian in mihingte hi phatlohna, gitlohna, thuakna ding lak apat ei hukdaw k a, zia chauh chu hiloin thilpha hih dinga siam ihu, Hukdam i hihziaka thilpha hih ding ihi zaw ahi.

**Genkhawm di -**

1. Bang lak apat zalen sak i hiu em?
2. Gingtute bang dinga hukdam ihu em?

.....xXx.....

**Zillai - 7  
GINNA ETTAWN TAK NOAH  
Bible Heb. 11:7.**

Tuni i zil ding uhi, ‘Ginna’n Noah chu mu nailo thil thu ah Pathian hil lawknate a pawm na thu ahi. Pathian thupiak lauh dan thiam a, Inkuante hukhinna ding in Kuang a siam thu apat zil ding ihu.

Tuilet tun ma hun ah ginna mi thupi leh ettawn tak ahun gente laka a tawpna chu Noah hi ahi. Aman Pathian hihna zui ah a tawidan hin a ginna a latsak hi. Zia a “Hilh” (Chrematistheis) kiti thuhilhna khautak vauna tih ah lehtheih thupiak gual deuh ahi. Zia vauna chu “thil muh nailoh lamte thu” ahi atia, zia chu tuilet, Pathian vaihawmna tunna ahi. Noah ginna umzia chu zia hihna dungzui a ahi. Noah ginna umzia chu zia hihna dungzui a hukhinna ding Kuang ahun tuk patna ah a kilang hi. Zia hin Pathian hihna a hetphat in “Pathian lauhdan thiam in, a Innkuan te hukhinna ding in kuang a tu’n” ti imu. A Pathian lauhdan thiamna chu Noah ginna a thil pawimawh tak ahi. Tichun malam a kalsuan in thumang taka Kuang a tukna chun a pui hi. A ginna hin ama a ding cho ah thilpha tun hilo in a Inkuan te cheng a ding in vangphatna a tut hi. Hiti gual ah mitam tak a ding tawh kisai a ginna masang ah Abel leh Enok te ginna ah a kimu lou ahi.

Zia chun “Khawvel thiamloh a chansak in” a kiti a, “Zia chun” tih hin a chung a Noah Kuang mah kaw k hi ding in a ginchak um hi. Khenkhat in Noah Kuang hilo in a ginna kaw k ahi tin a gen ui. A bang chu hitaleh, zia hunlai ah gingcha theilo mipite a ding in muhtheih loh ginna chu muhtheih ding a hung kilatna Kuang chu ahihziakin thil kibang tihtheih ahi. Simmawh hat leh gitlohna lam ah luhlula gingcha utlo te a ding in zia Kuang kibawl a mit ngei ua a muh uhin amau a ding in thiamlohchanna leh kimawhchanna tut ngei ding ahi. Pathian thuhilhlawkna ala ginchakloh zia kun a zawm talo uh ahi. Ginchaklohna leh a um hi. Zia taka Noah ginna umzia hin zia hunlai khawvel thiamlohchanna a tutna hin thu pawimawh tak gen anei hi.

Ginna a dikchanna, Paul inle ala hah gen mah mah(Rom 4:11; 10:6; Phil. 3:9) chu ahung kilang a, tichun Noah chu Ginna zia kah dikna golu-ahpa ahung hi tai, ati ahi. Amah chu thuthunglui ah midik tia kigen

masa penpen ahi (Gen. 6:9). Bible in a damkhawm pihte lakah gensiat bei ala tih hial kha ahi. Peter in “Dikna thugenpa” ala ti (2Pet. 2:5). Paul in Jesu khrista gingtute dikna a gen tawh kituakin zia hin Jesu khrista hun ma himaleh Noah hin ginna ziakin Pathian mai ah midik hihna ala chang hi ti imu ahi.

**Genkhawm di -**

1. I Zillai apat Noah ginna ettawn tak ahih dan i zil dawh uh..

.....xXx.....

**Zillai - 8**  
**Thupi : MIHANGSAN TE GINNA**  
**Bible: Heb. 11:23-28.**

Tuni i zil khawm ding uhi, Mihangsan Mosi ginna apat zil ding ihu. A hinkhua thusim ahin a ginna ettawn takna khawvel thil ah nawpsakna sanga Pathian min ah sukgentheih atel a, muhtheihloh Pathian chu a mu ziakin a thuak hamham ahihna sutkhawm hitiu.

**I. Nausen melpha tak ahihna :** Israel te Pharaoh khut nuai ah sukgentheihna nasaatak a um lai takin, Mosi ahung pianga, zia chu Judate zosia pawtdawhna ding Pathian in a mite dinga a thilhih thupi pen a ngaihtuah in zia chu tawh kisai in Pathian mimat Mosi chu ngaisan ahi.

Zia hin Mosi Nu-leh-Pa ginna a kimu, Mosi a pian ah thathum sung selguk in a um a, ziazaw chun, Phailuang in Bawm pakhat a siam un, vahaibuan leh thingnai ah tuaibit a, zia sung ah chuh sial in, Nile lui pang phailuang lakin a koih tau ahi. A thilhih uhi Lengte dan kalhna ahi, Leng thupiak la Hebrai posal naupang cheng thah ding tih ahi ngala (Exo. 1:22). Maleh, Mosi Nu-leh-Pa’n thupiak zuilo in, Pathian muang in zia nausen hukdawhna ding a ngaituah ui.

**Zillai - 23**  
**ZALENNA AH DING DET**  
**Bible sim di - Gal. 5:1**

I zillai chiah zel hi Ginna hukdamte hindan, Jesu khrista ei zalen sak ta. Zia zalenna a chu ding det ding hi gingtute dinmun ding leh hinkhua ding ahi. Gingtuten i ginnau a lin lohna ding in i vawpphan, i enkawltup in i dingdet ding ahih dan Paul in hiti hin agen - “Suak hilo dingin Khrista chun ei thadawk tai; ziaziakachun dingdet un...” (Gal. 5:1). Jesu khrist ah i neih uh zalenna a chun dingdet ding ati ahi. Ziaziakchun, a umzia i hetthiam theihna ding ua- Bang apat zalen i hi em? Bang dinga zalen ihu em? Tichun zalen ihihna ziak tak chu hethiam thei hitiu.

**I. BANG APAT ZALEN I HI EM? :**

1. Hebrai 10:22 “Lunggil a sia leh pha hetna a zalen” i hih dan a gen hi. Zia hih gingtuten ituak masak pen leh abul ahi. Lunggil a ngaihtuahna phalo gitlohna chu abei ta. Zia thahdawkna hi khristan thil hih a ei thumna hetchetna hi ahi. Zia chu khrista hinna leh ei uh dinga ahung thihna hin, Pathian mah ah i ding thei ta ahi. I gitloh man piak ahi ta kross chung a khan, gitlona i nei talo ahi. Lalpa chuh pak in um ta hen. “Pathian mitelte chuh kua’n hek thei ding ahem? thiamchansakpa chu Pathian ahi ngal a(Rom 8:33). Jesu khrista thilpiak, zia thilthawn piak chu i Lal Jesu’n mi zosia kuale aging ta phawt Pathian masang a thiam chang ahi ta ahi, mihing sep dawh theih ahi puai.

2. Gitloh thilhihtheihna apat zalen (II Tim. 2:26), Mihing lungsung ah Pathian thagau ahung tun masang in gitloh thilhihtheihna akan ah aum chun hatna anei puai. Ahin, khrista’n lunggil a phatlohna chauh a zalen/thadok hiloin, gitloh thilhihtheihna apat inle ahi. Khrista tawh thi i hih chun Paul in “Khrista tawh thi ihih tak uh chun, amah tawh hing ding ihu ti i taksang uh ahi...” Zia gual ma chun, nanghaw le gitlo lam thil ah chun a thisan kingai un, chuleh I Lalpa’u Jesu khrista zal ah chun, Pathian lam ah hingin kingai un” (Rom 6:8,11) tin agen hi. Chuleh, “Kuale khrista a um chu thilsiam thak ahung hita, thil luite chu a bei tan, en tiam un, thil zosia a

Sarai in a thilhih phatlo Abraham a puh ta, Abraham in “La suaknu chu la khuta um ahi, pha lasak gual in a chungin bawl tan” (Siamtilbu 16:6) ati. Zia chu Sarai in Hagar leh Ismael chu a bawl genthei mahmah tan, Abraham Insung apat a taimang tau, thutiam chapa Isak pian nungin (Siamtilbu 21:8-21). Pathian zai ngaklo a mahni deih dan a thil hih tawp sekna gah chu siatna ahi. Ismael hi ei uh dingin a limtha ahi, a lim kilang chu. “Mahni thilhih” hi ahi. Pathian thutiam chu Jesu khriata ah bukim leh amah pawm tak dinga siam ahi. Pathian a kingak sanga eimau khut a i kinga zaw sek. Zia gual chun Pathian thilthawn piak Jesu khrista ginna hukdam sanga mahni sepapat a mugua te chu ahi

**II. PATHIAN IN NANG DINGIN HIIH HEN-ISAK A SAKHUA :** Abraham chapa khat kit chu Isak, kum upat nung ah ahin uh ahi. Pathian in Abraham kiangah a thutiam chapa nei ding ahi tih lamdang san a nui in, Sarah kum 90 in nau apai di...!(Thilsiamthu 17:17-19). Chuleh Sarai le a nui (Thilsiamthu 18:12). Kum tamtak nunga a piak hi, Pathian in a suklat nawp chu amau nunga khang hung chiah zel a ginna hukdamna Abraham ahung kipan, zia chu Pathian hukdamna ei piak, eimau kispawh hilo ahi. Pathian in lamdang tak a goluah ding Abraham a piak gual hin, Aman ei guat lawk sak in hukdamna chuh ei pia ahi.

Jesu, Pathian chapa le lamdang tak a nungak thiango Mary’n apat hung piangin, mi zosia gitlo lak apat hukdamtu ding Pathian piak chu ahi. Jesu hi piandan pangai a piang ahi puai, van apat Pathian thilthawnpiak lamdang, miham hihtheihlo chu ahi. Zia hi ahi - ei man hukdamna i kispawh theihlo, Pathian in ei sep sak chu ahi.

**Genkhawm di -**

- 1. Sarai leh Abraham in Pathian thutiam ngak zolo a, athil bawl uh.
- 2. Pathian thutiam Abraham chung a tun vak loh hi bang etsak nuam ahem?

.....xXx.....

Nausen melpha tak (Exo. 2:2; Nasepte 7:20) a muh ahi. A nu Jacobed leh a pa Amram mitmu chauh hilo in, midangte mitmuh inle danglamna midang tawh kibatlohna um ngei ahi tih Pharaoh chanu in amuh phata a deihna hin a genchian ahi (Exo. 2:6).

Mosi thusim Bible ah langlo Josephus leh Philo in ala zik nau a chun, Aigupta gam pumpi a dinga sepaih hotu lian pen ala hin, Ethiopia Leng ala zawh dan, Aigupta gam pilna zosia zil zo a, aksi lam, pilna lam, music lam leh lam chuam chuam ah thiamna aneih dan ala zik uh ahi.

**II. PATHIAN MITE TAWH SUKGENTHEIH A TEL :** Mosi a pitin phat in a Unaute kianga va chiah in a haksatna’u a va en hi (Exo. 2:11). Chun, Nasepte 7:23 ah Stephen in zia hunlai hin amah kum 40 hi dingin a gen hi. Zia hunlai a thupukna pawimawh taka bawl chu Leng Inn ah hamphat theihna um zosia nusia a Pathian mite tawh sukgentheih a um a tel zawkna hi ahi. judate tuanthu ah amah Pharaoh chanu khat chapa dan a um ahizhiakin, Aigupta Leng hihtheihna ding lampi um dan in a gen hi. Himahleh ginna a Pathian in amah apat Israel te a saltan nau a kipat hukdawd dingin ala guatna a Pharaoh chanu-chapa ah um ding nuamlo in a mite tawh haksatna thuak khawm a telzaw ahi. A thiltuak chu “gitlona nawpchen limpih sangin leh Pathian mite tawh sukgentheih thuak” khat zawk zawk tel ding ahi. Ginna leh gitloh nawpchen kituak theilo leh umkhawm theilo ahiziakin aman leichung kituak theilo leh umkhawm theilo ahizhiakin, aman leichung thil a ngaihtua a ahaksa zaw leh deihumlo zaw a tel hi.

Zia a gen gitlohna ahin, nawpsakna hin hun sawt daih lo in hun chawmcha sung chauh daih ahi. Amah mihing deihna guala tawi hilo in ginna a chia, Pathian deihna gual a chiah mi ahiziakin a thil tel hi amah hun lai in mingawl guala ngaihthei hin a, mahleh tuhun a i leh et kit in, telkhial keilo ahi ti a kilang mahmah hi. Amah leh Pathian mite thuakna a kipumkhatna nei in a dingkhawm ua Pathian melmate muhdah a suak hi.

**III. AIGUPTA GOU TE SANGIN HAUHSAKNA THUPI ZAW'N A NGAI :**

Khrista ziaka muhdahna, muhsitna'u chu "Aigupta Gou te sanga hauhsakna thupi zaw'n a ngai a" tih ahi. Khrista min ki genna hin khristian te ngaihdan tawh kituak a thuthunglui genchetna ahung bang thei hi. Zia taka Mosi ginna thupina chu leichung thil muhtheih leh gou thilphate sanga muhtheihlo thilte chungnungzaw leh thupi zaw dan ah a kawih theih na hi ahi. Tulai hun hi in, hun zosia ah leichung thil muhtheihthe ngaihmatna leh thupi zaw ah kawihna hi Pathian mite melma lauh um ahi zing hi. Pathian lemgual Israel te hukdawnha dinga Mosi'n sukgentheih a thuak a, zia gual ah Pathian hukdamna bukimna taktak chu khrista ah ahi. Aman mite muhsit leh sukgentheihna tincheng ah thuak hi. Zia chuh ahihziakin Mosi thuakna chu khrista a sukgentheihna khrista ziaka thuak a ti thei hi.

**IV. KIPAKMAN MUH DING CHU :** Ginna a Mosi'n a et chu Aigupta

hauhna sanga thupi zaw leh deih um zaw 'kipakman mu ding chu' ahi. Pathian in a lemguat mihingte hukdamna thu ah Mosi'n dinmun dettak leh pawimawh tak a neihna mah mah hile kipakman thupi pen pen ah tih theih hi. Zia tak ah kimu gual in leichung thil tawh kimilh a hun chawmcha dai thilte hilo in Pathian in a bawl zia khawpi a nampate gualin buting leh kumtuang a i thuakna zosia'u a dinga kipakman thupi tak mu ding ahi.

**Genkhawm di -**

- 1. Ginna mihangsan te ahansan na thuguk i het dan..

.....XXx.....

**Zillai - 22**

**ISMAEL LEH ISAAC HINKHUA APAT**

Bible sim di - Gen. 12:1-3; -16:5,6; 17:17-19; 21:8-21; Gal. 4:22-27.

Tuni i etkhawm ding uhi Abraham chate nih Ismael leh Isak chanchin apat, khat chu taksa dan ah piang ahia, khat kit chu thutiam dungzui a piang ahi (Gal. 4:23). Ismael mihing taksa dan a piang chun "Nangma'n kihih in" tih sakhua chiah dan a etsak a, thutiam dungzui a piang chun "Pathian in hun hihsak hen" tih sakhua chiah dan a etsak hi. Zia te nih hinkhua apat hin i kingakna'u enkhawm hitiu.

**I. NANGMA'U KIHIIH IN - ISMAEL SAKHUA :** Pathian in Abraham

kiangah a thutiam Siamtilbu 12:1-3 sungin muh ahi. Zia thutiam ahin thutep le a um, Pathian in Abraham kianga NAM lopitak a siam di leh amah apat lei chung a mi zosia malzawl di tih ahi. Pathian etsakna gam zuan dingin a "Khua leh gam ua kipat leh a chanaute lak apat leh apa Inn a kipat in a pawtdawk hi. Pathian thutiam chu " Hun malzawl ngei ngei 'ingka tin, Van ah Aksizat leh Tui suahtiat ah piaunel zat in la suante hipung in ka" (Gen. 22:17). Pathian in Abraham ginna a patepna - khatna, Abraham chu gamtiam gam a chun a thih tiangin a um, Inn det a cheng lo in, kipem vial in puanbuk in a cheng hi. Nihna, a suante tuisuahtiat pam a piaunel zat a pung ding. Abraham in zia chu a ngak in a ngak a, cha anei diaklo ahi.

Tichun, Sarai chu kum upa tak ahung hita, Nau la pai diaklo in a uma, Pathian thutep a chung a tung ding chu ngak zo ta lo in, "A man a kihih" nuam ta, Pathian thutiam guitun a ngak zo ta puai. Zia hin sakhua chiah dan khat ahung pawtna chu - Sarai in naupai ding dan a guanggal chu a pawsal Abraham in a suaknu Hagar apat chapa hin ding ahi. Judate chiah dan(custom) ah chun amah(Sarai) cha hi dinga ngai ahi. Siamtilbu 16 na ah, Abraham in Hagar a luppah in chapa ahun nei ta, a min chu Ismael ahi. Hagar chu hung chapou pan in Sarai chu a musit ta ahi, a pu apat nau ahin tak zia kin. Zia gual chapouna hi "I thil hih" zia kin ahi sek hi. Sarai in amah ngaihtuahna mei ah, a thilhih khial lian tak chu a suaknu Hagar leh a posal Abraham chungin ahi. Zia gual a sakhua chiah dan zuihna gahsuah chu kikhenna leh ki-melmakna ahi.

**Lou nasemtu chu Inn satu tawh a nasep uh a kibang puai. Na gim tak ah a sep chu a tawp tianga gah suah saktu chu Pathian ahi. Pathian apaan theihna dingin a sem ahi.**

- 1). Lou nasemtu chun bang gual ah a nasep um hem tih a helo ahi. Lei ah Thaichi mu a kawin, ni tamlo sunga kek dawh hi. Thai bit theihna leh thih theina a he'n a enkawl hi. Bang gual a khang ahih ahelo ahi. Thai ahinlo bawl tu'n a hetlo thil kisel a um hi.
- 2). Lou bawl tu'n Thaichi mu atuh zawh leh ngak chauh ahi, zia chu ahihthei.
- 3). Lou nasemtu'n a gah luak khawm tak chu, a tuh leh amah gual mah a suang zel hi. Inn in ahihleh Inn mah a suang theilo ahi.

Ginna hukdam hihtheihna ngaihndan chini i gen ta. Khat ngaihndan chu Inn satu gual a, ei mah in sep di, bangkim eimah a kinga ahi ati. I seploh chun Halmang thillat a chun Pathian a kipak lo ding ahi. Mihing hihtheihna kingak hin zawh tik ni umlo ding ahi. A ziak chu a siat phat leh suksiat a siam zel zawh tikni umlo; chiah dan mihing siam kisang zing tawpni neilo gual ahi.

Gin dan pakhat zawk chu Lou bawl mi gual ahi. Thagau hinna chi i lunggil Lei a khiak thagau thiangtho umpihna chu ahi. I lunggil a Jesu khrista ginna chauh chun hinna thak a dawng thei hi. Hinna thak eimah a tuh in a uma. Zia chu Jesu khrista hinna chuh ahi. Hehpina ziaka Pathian thilthawn piak Jesu khrista i gitlo sik ua a thihna zal in hinna i chang thei ta ahi. Eimau a Pathian thagau ahung um phat in, khrista hinna chi chu tuhin a um hi. Zia hi Pathian hih ahi-ei mau thilhihtheihna ahi puai.

**Genkhawm di -**

1. Kochuam panih ginna chiah dan i zilna ahin, ei Presbyterian chiahpah dan..

.....xXx.....

**Zillai - 9  
Thupi : MIHANGSAN MOSI GINNA  
Bible: Heb. 11:27, 28.**

Hun masa mihangsan Mosi ginna apat leichung thilte haw sanga muhtheihloh thilte chungnungzaw leh thupi zaw ah a kawihtheihna te i zil ta. Tuni'n ahihleh Lengpa lungnatna lauhlo a Aigupta a taisan na leh muhtheihlo pa amu na leh Chaihkan kut manga thisan thehna thu a enkhawm hitiu.

**I. AIGUPTA GAM TAISAN :** Israel ten Aigupta gam ah pawtdawksanna thu kha hilo in, zia masang a Mosi'n Median gam lam ah a taisan na kha ahi. A gam hauhsakna leh phattheihna tincheng ding tel zaw ah a um theihna chu muhtheihlo thil ah muh ziak ahi. Zia a "Ginna'n Lengpa lungnatna chu lau lo in, Aigupta a taisan a" tih ahi (Exo. 2:1ff). Zia hin Mosi'n Pharoah ah lauh ziaka Aigupta taisan ahi pua a, Aigupta a um lai mah inle zia gam ah Lalchutpha hi in, a hauhna zosia nusia zo a, thupukna dettak leh hoihtak bawl zo in, a kilehkitna ding lampi um thei chengle a susia vek hi. Ginna hansanna leh lauhlona chu Lengpa thah dinga kipiak meina ahi diak puai. Aman Lengpa lungnatna laulo in deihtelna thiangtho tak manga Pathian dei dan zui in muhtheih sanga muhtheihlo a telzaw ahi. Tulai ah khristian ten le gitlo leh thil hoilo bawl te laulo hinapi, doulo a taisan pawimawh hun a um thei hi. Ginna nei in muhthei thilte sanga muhtheihlo thilte i tel zaw ding ahi.

**II. MUHTHEILOHPA MU :** Pathian chu muhtheihlo ahi a, kuama'n amu ngei puau. Himaleh amah kiphuan latna te hin a deihdan min a het phat uh leh amah mu a suak hi. Mosi'n thagau thilhihtheihna leh hansanna aneih hi bang dang ziak hilo in, Pathian umpihna a chan ziak ahi tih gamthip a a khualzinna ah khan ahung kilang ahi. "A mah chu ka Inn sung mi zosia chung ah thuneihna piak ahi. Thuguk le hilo kichian takin, amah tawh ki-maitua in ka kiho un, a man Lalpa mel chu amu ta ahi..."(kisimnabu 12:7,8; Exo. 33)

**III. CHIAKAN KUT :** Judate a dingin Chiakan kut hin pawimawhna a nei a, himaleh khristian te a dingin Jesu khrista thuakna tawh kizawpna a neih ziakin (1Kor. 5;7) ah pawimawh diak hi. Pathian thupiak gual in Mosi ginna in zia hi ahih hi. Zia Chiahkan kut ah Belam thisan kawt bianga kitat hin thihna a kipat cha masapen hukhin ahi. Ginna umlohna a chun thisan tatna le a um pua a, zia Inn ah chun Pathian vaihawmna “Cha til” thihna atung hi. Israel ten Mosi thugen a gingcha’u a, a gen guala Lalpa Pathian ah a kingak zia kun a hukdamna a mu ahi. Mihing in Pathian suk kipakna ding hawl in gancha a kithawihna nei mah leu a lawh sam ahi. “Kithawihna chungah kipakna la nei paw ngal a; halmang thillat hun pe lengle pawmlo ding la hi ngal a” (Sam 51:16). “Bang tawh ahi diam Lalpa mah ah ka hung ah; Pathian chungnung pen ma ah ka kun ding? Halmang thillat te Bawngno kumkhat a upa te tawh a ma-ang ah hung ding ka hem? Lalpa chu Belamchal sang tamtak te ziaka chun kipak ding ahia, sathau aluang luipi singkhat zia ah chun kipak ding ahem? Ka bawl khialnate ziakin ahem ka cha lutil chu ka piak ah, ka thagau gitlona zia ah ka gil a ga chu ka piak ding? (Mika 6:6-7). Mihing te gitlohna ziaka leithil a halmang thillat te chun thiam ei chansak zo lo ahi. Paul in “Khrista Jesu tatna zal ah chun, a hehpina ziakin a thawn ah thiamchansak i hi tau hi. Dan dungzui a thilhih zia hilo in, ginna zia zawn mi chu thiamchang ahiu” Kross in Pathian tawh i kizawp mat kit theihna kawt ei hawn sak a, kawt dang him him halmang thillat chun tha a neilo ahi.

**Genkhawm di :**

1. Pathian ma thiam i chan theihna dinga thilpha sep a ngai diam?
2. Thiamchanna thu genkhawm hileh.

.....xXx.....

**Zillai - 21**

**KOCHUAM PANIH CHIAHDAN**

Bible sim di - Gal. 4:21.

Zillai masa khan khawvel ahin sakhua tamtak a um a, zia lak ah chun chiahpil leh gin dan nih i gen ta, a umzia chu sakhua nih chiah dan in i khen a. Pathian kipakna leh thiam i channa dinga, “ei mah in i sep ding” tih leh “Pathian in ei sep sak ding” tih ahi. Tuni i etkhawm ding uh chu sakhua nih ginna chiahpil dan zilchianna leh i hetchian theihna ding un etsakna mang in enkhawm hitiu.

Hukdamna thu ah Kochuam selh leh sang te vawp phat a, mahni’n hukdamna kisiam dawh theih tia a ziltilna Galatia Kochuam in a chiahpil zing lai un, Paul in hiti hin a gen “Dan nuai ah um nuamte haw, ei hil un, dan thu ngaitha lo ding la hui em?” (Gal. 4:21). Dan tawh a ki ziltil nau a kikal hi. Dan ziltilna chu mahni hihtheina hukdamna siam theiloh ahi.

Sakhua nih chiahpi dan hetchian theihna dingin Innsatu(Mistry) leh Lou bawltu apat enkhawm hitiu. In satu’n a tawp tiangin amah khutngei in a bawl hi. Lou nasemtu’n ahileh vang, agah a luak tiang hin amah sep a um, ahinla akhang pua a, Pathian in a khan sak a, a khan theihna ding a etkawl chu amah na ahi. Inn satu sepsuah chu thihna, Lou nasemtu sepsuah chu hinna ahi.

***Inn satu dinmun apat pawimawh mahmah khawvel sakhua tawh kituak en hitiu.***

- 1). Khut a thilsiamtu chun bang sem ahih ahechian hi. Insatu chun a In sak dingdan a guan lawk sa gual in a sa, a sak zawh phat in, aban chan amal mal in ahun genthei hi. A kisel a um puai Insakna hin.
- 2). Inn satu chu a Inn sak a zawh tawh kal a chawl thei puai. Bangkim amah khut a kinga ahi. Inn chu amah in a kisa zo thei puai. A zia ah chu amah a hinna umlo, a thi ahi.
- 3). Inn chun gah a suang thei puai. Inn in Inn mah a piansak thei puai, Bel inle Bel, Mihing khut nasep chu a thi ahi. Amah in a kizothelo leh gah suang theilo ahi.

Khrista chu Pathian thupiak dan zawm bukim dingin ahung a, thihna tiang thuak in ei haw sikin halmang thillat in, dan a mamawh zosia hung sem in i zalen ta, Pathian lungsiatna a chun zalen in thagau thiangtho thilhihtheihna ah i um ta ahi. Dan thupiak Jesun a gen “Lalpa la Pathian chu la lunggil zosia, la hinna zosia leh la ngaihtuahna zosia leh nangmah la kihehpi gual in la Vengte la hehpi ding ahi” Mat. 22:37-39) tih hi. Thupiak dang- “Dik tak a bawl leh lungsiatna ngainat ah, leh thunuaigawl tak ah la Pathian tawh kitawn hilo ahem? (Mica 6:8). Zia dan thupiak chawmkim a gawmkhawmtu chu “Thu sawm piak” (Exo. 20:1-17).

Zia taka het dinga pawimawh mahmah chu Dan thupiak hi hukdamte kipak tak a umna puitu, Pathian a ginna chauh a hukdamna i hihna hi a thilthawn piak Jesu khrista hukdamtu a pawmna hi ahi. Mihiam dan siam zuih bukim ziaka hukdam ahi puai. Ahin, khatvei ginna hukdam i hita, Pathian lungsiatna zal in thagau thiangtho umpihna chang in suk hat a umin, thagau gah eimah ah a um (Gal. 5:22,23), Pathian thagau eimau ah a um tih a sulang hi. Ginna hukdam i hita, “Pathian in ei uh dingin sem hen”, Pathian nasem dingin thilhihtheihna a thuam in i um a, eimau ah a um ngei tih alang hi. Zia hin ei kawkmuchu ginna hukdam te um ding dan ahi. Sakhua a i um nau hi Pathian in i mamawh zosia ei bawl sak a, a cha guala hepi dingin leh dan suak a i um nau ei suktawp sak ta ahi.

Ei mah ngaihdan a chiah in, ginna hukdam a um i hi nam?, hukdamna hi eimah sepdawh, ahilohleh Pathian in i lunggil leh hinna a chi kituh hung kekdawk kumtuang hinna Pathian phu chu. Paul in taksa nasep chu gitloh ahin, thagau nasep chu - “Hehpina, Kipakna, Chamna, Dawhtheina, Nun-nemna, Phatna, Ginumna, Thunuaigolna leh kisumtheihna” (Gal. 5:22,23). Ei mah hatna i sep phat leh, eimah lawkna ding i hawl a, zia ga chu gitlohna; eimau a thagau hinna thak hung khangdawk gah chu thagau gah leh thilpha hih dinga khrista Jesu ah chun siam ah um, (Eph. 2:10) i hui tin agen hi.

**Genkhawm di -**

- 1). Thilpha hih ziaka Pathian suk kipak theih ahi diam?
- 2). Hukdam hita ten bang ahem i sep di?

.....xXx.....

**Zillai - 10**

**GINNA GUALZAWHNA LEH THILHIHTHEIHNA**

Bible - Heb. 11:33-39.

I zillai masate a khan amal mal in ginna mi hangsan te chanchin apat ila zil tau hi. Tuni a i zil ding, etkhawm kit ding uh chu Ginna mi hangsante gualzawhna leh thilhihtheihnate ahi. Pathian a muan zawh dan uh leh a kingak ngamnate enkhawm hitiu.

Ginna gualzawhna leh thilhihtheihna taklatna chu gamte alau ah, dik takin vai a hawm un, Pathian thutiamte ala chang un, sakeibaknei kamte ala suchip un, mei thilhihtheihna a sumit un, chemjam hiam takte a pumpel un, hatlohna kipat in hatna amu’u a, galdona mihat leh mi gensim in a um un, nam dang sepaih hawnte a nawh zak uh ahi. Israel te tuanthu ah Pathian panpihna ziaka gal a Israel te tuanthu ah Pathian panpihna ziaka gal a gualzawhna tamtak a um hi. Ze gualzawhna te hi Pathian ah a kingak ziaak uh ahihna ahin ginna gualzawhna tia taklat ahi.

Tichun, Pathian panpihna a kuhkal leh thuakzo tak a um in, thihna tiang ala tuak uh ahi. Chun, “khenkhat sukgentheih in a um un” a ginna’u a san theihna dingun taksa lam a haksatna thuaksak in a um sek ui. Daniel leh a lawichan thum te kha Jehovah Pathian a dinga a ginum ziaak ua gawt a um ahiau. Zialo chun, Thuthunglui leh thak kikal a Judaten Pathian min leh Juda mi hihna ziaak gimtheihna nasatak ala tuak sek uh ahi. Zia tak a “thawhkitna phazaw chu a chantheihna dingun hukdawk le a nuam puau hi” a ti’i ahi. Nupi khat leh a chapa sagih ten le zia gual gawtnate chu ala tuak uh a, a chaten thawhkitna kinepna a deih ziaakun, hukdawkna sangin gawtna leh thihna a tel uh ahi. Amau lak a khat chun “Nang lei sumang a, himaleh khawvel pumpi Lengpa dan ka zuih ziaak ua thi ka hih ziaakun, aman kumtuang hinna a ei kaithou kit ding ahi” (2Mac. 7:9) ati ahi.

Ginna mihangsan kuhkaltaka thuaka zawhna chang a athuakna teu chu - nuizat bawl na matna te, zepna te, kawlbuhna te leh khauhual ah henna te Lalpa min in a thuak uh ahi. Jeremiah (Jer. 20:2-7; 37:15; 38:6ff), Paul in Jesu khrista chanchinpha ziaka haksatna tamtak a thuak (2Kor. 11:23-28).

Chuleh, Zawlnei la hi thiampu la hi Zakaria le suang a sehlp in a um(2Khangthu 24:21), Zawlnei Isai thing-atna attan(tartullian zik kuhkalna), Uziah chemzam ah satlup(Jer. 26:20-25), Zebedai chapa Jakob chemzam a thah(Nasepte 12:2).

Zia guala ginna nei hiam ngam taka thah leh awl awl a sawt tak suk gimtheihna leh mi kipawlkhawmna lak ah um saklo in, a delh dawk ua, nikchen-puanchen silh ginatak neih lo in belam vun leh kel vun pouh silh in gamthip a te, Tang a te, Guam a te, Kawhawm a te a vakvai ui. Amau in a deih pen uhleh a kinep pen uh chu leilam muhtheih thilte hiloin, thagau lam leh van lam thilte ahih dungzui in, leichung ah hihna leh mundet himhim neilo a sukgentheih ah a um ziakun, amau a dingin zia khawvel hih chenna tak him him ahi puai. Zia gual ah Pathian min ah gimtheihna leh gentheihna nasatak a thuak zing lai un, lam chuam chuam a thep in a um un, a ginna'u haihsakna dingin a zawl un, milim mai a gimtui hal ding, ahilhloh leh milim maicham a tui nou khat sun buaka zalenna ding tia zawl in leh a zi leh cha-teu manga thep in a um ui. Himahleh zia haw zosia chungga galzawhna chu ginna kuhkal tak a um ahi.

**Genkhawm di -**

1. Ginna gualzawh di dan..
2. Ginna thil hih theih dan...

.....xXx.....

**Zillai - 20**

**SAKHUA NIH CHIAHDAN**

Bible sim di - Gal. 4:21-31.

Khawvel ahin sakhua(Religion) pawl tamtak a um - Hindu, Muslim, Jains, Sikhs, Juda, Khristian leh a dang dang.. Sakhua i gen phat leh alian deuh cheng hi genkhak ahi sek. Sakhua pawl neucha tianga sim ding hileh hin a sang a sim a um hi. Khawvel a sakhua chiah dan hi chi nih in a khen theih hi - Sakhua khenkhat gindan a chun Pathian kipakna chu a thil hih a chun ahi.

Khawvel a sakhua tamtak in “Nangma’n kisep in” tih sakhua chun: A thilpha hih ua Pathian kipak ding tih hi a kingak nau leh a thupi pen uh ahi. Sakhua pakhat chauh, khristian sakhua chun “Nangman kisep in” kinepna bei, umzia neilo, a ziak chu eimah thilbawl a Pathian kipak ngei lo ding ahi. Khristian sakhua hin kinepna nei in, a gen chu Pathian in “Ei uh a dingin sem na’n a” - gen dan chuam a Pathian in a kipak na dingin ei siam in a.

Sakhua dan a umte chun ei mau Pathian kipakna i um ding uh ahi, zia umzia chu sakhua Dan-leh-Dun nuai a suak leh sal a um, ahilhloh bang hitaleh Pathian kipakna dinga i sep hi ahi. Hetmilh i neihlo di, dan leh selh i pal keklo di, sakhua kut leh ni thiangtho chan dik di. I kupal khak chun Pathian lungnatna hin tin, i hukdamna mang ding ahi. Zia gual hinkhua chu dan leh thupiak nuai ah i hetna leh hatna tawp ni umlo a sal a umna ahi. Sakhua a um ding dan ei ziltina chu Pathian in amah pawm tak dinga ei siamna hi sakhua a i zalenna, zia chu Pathian thutiam a sak sakhua, mihiam sak hilo chu ahi. Thagau zalenna a chu um in, zia chun ei umpi ahi. A ziak chu Pathian in ahun sawl a chapa gitlohna neilo, kumtuang hinna i neihna dinga thi, thagau a thi, zia chu Pathian in a hinna leh thihna chu eimah ah a belh ta, Pathian cha a sim in zalen in i um ta ahi. Pathian in ei sep sak ta ahi, eimah sep theihlo chu ei sep sak ta ahi.

Tun, Pathian cha saka umin zalen i hi ta, zia umzia chu Pathian dan bangmahlo a chan sak ahi em? Hilo, Pathian thagau thilhihtheihna eimau a um, eimau hatna hilo, Pathian dan nuai a umin zia chun eipui in kipakna ei tut ahi. A mite hi dingin, dan nuai apat i pawt ta, ginum dingin ei pui zing ahi.



Hehpihna chun, “Pathian ngaihsaklona leh khawvel nawpnate nusia ah, kisum ah, diktat ah, tulai khawvel ah hin Pathian ngaihsak ding leh kinepna kipak um, I Pathian lopitak leh Hukdampa Jesu khrista kilakna chu ngak dingin ei hilh a...(Tita 2:12) tih muh ahi.

Hehpihna chu mi gitlo in a gilo talo dinga thupukna a siam ngaih-damna tawh pawm mai ahi puai. A hehpihna ziakin Pathian chun mi gitlote a hip masa a(Jn. 6:44,65), haisan na a pia a (Nasepte 3:26; 5:31), Jesu khrista ginna lam ah a lunggil a suvak(Nasepte 13:48; 16:14). Gingtu ah lang daw - gitloh kihetna, haihsan leh ginnate hi a lunggil a Pathian hehpina nasep ahi. Ginna ziaka hehpihna a hukdam la hi, zia chu la sep dawh ahi puai, Pathian thilpiak ahi(Eph. 2:8).

**THIAMCHANSACKNA :** Pathian in migilo chu midika a puanna ahi. Thiamchan sakna chu suk hinna leh sukthianthona tawh a danglam a, mahl-eh thil kikawp khen dang theihloh ahi. Pathian a thiam changta suk hin lo leh suk thiantho loh a um thei puai, ginna chun ei hukdam diak puai. Ginna chu hukdam hihna dinga Pathian matchak chauh ahi, i hukdamna kingakna ahi puai. Khrista dikna Pathian in i dikna dinga ei pawmsakna chauh chu i hukdamna kingakna chuh ahi.

**Genkhawm di -**

1. Khristian na ah i paumat ‘Piangthak’ ti umzia..

.....xXx.....

**Zillai - 11**  
**HUKDAMTE GINNA**  
Bible sim di - Gal. 4:8-11.

Gingtu hikhua hun tin a det dinga mamawh mah mah chu ginna hukdam i hih nau hi ahi. Zia thu hi het a baih a hetkhial le a baih hi, a ziak chu mi khenkhat in napha sep a mani hukdam hihna dinga sem in zia chun hinhua sang danglam a kihetna a um hi. Napha sep ziaka hukdam ahih chun, i sep phat theih chin a i sep ding hilo hem. A hinla i nasep phat hin ei hukdamlo ahi. Jesu khrista ah ginna chauh in ei hukdam thei ahi.

Ginna hukdam i hihna ziak chu napha sep nawp na ahun hing hi, Paul in Galatia 5:22 “thagau gah” a gen hi. Kuale khrista hinna leh thihna a thuam a umte chu thagau a hinna anei a, gitlohna pat zalen ahi ta, tichun Pathian thilhihtheihna ahinkhua siamthak ahung hi. Zalen ahita, himahleh hukdam hihna dinga napha sem hilo in nasep pha a sep ding ahi, a ziak chu nasep pha sem dinga hukdam ahih ta. Hiti hin gen lehin, nasep pha chu hukdam i hihna apat agah suah ahi; zia ga chu khrista tawh i ki zawp nau apat hung luang daw chun bak guala thisa ei hinsak kit ta ahi (jn. 15:1-8). Zia gah pha chu hukdam i hih masangin a um puai. I nasep phat ziaka hukdam ahi puai. Sakhua khenkhat chun hukdam hihna dingin nasep tin a kiziltil uh ahi. Hukdamna hi nasep a lawh dawh ding gual ahi puai.

Hukdamna hi Pathian thilthawn piak, dawngta chun, nasep pha ahihlohleh thagau gah, mihing lungthim a Pathian thagau nasep hukdamna luangdaw chuh ahi.

Paul in Galatia khristian te a ngaikhawk hi, a ziak chu ginna hukdam ahi tih he mahleh, hun chawmlo kal in dan zuih bukim a khrista hukdamna channa hi in a gel ui. Tichun zilngaihna apia, zia chu hukdam hi ding leh hilo ding tih dan a kileh kit talo dingin a zilgaih hi. Ginna hukdam ahihna hi sakhua dan tawh teh a achuam bikna chu ahi. Gingthak te a buai sekna masapen chu dan hih ahi.

Dan leh thupiak tamtak a um a, zia chun kua hi khristian, kua hi khristian lo tih kal in a buai ta ahi. Zia gual hi Galatia mite lak a tung sek ei lak ahin le atung sek ahi. Dan leh thupiak leh sakhua dan hi mihing siam ahi, kua hi hukdam tia buailo di ahi. Ginna hukdam ahi tia hing te chun dan leh thupiak zuina hi khristian hihna ahi puai, ahin Jesu khrista ginna chauh hi ahi.

**Genkhawm di :**

1. Ginna hukdam ihih dan..
2. Mihing lungthim a Pathian thagau nasep luang dawk te..

.....XXx.....

**Zillai - 12**

**GINNAA THAGAU CHAN**

Bible sim di - Gal. 3:1-5.

I thil hih ziaak ua thagau chu ei uh a hung um hilo in, khrista ginna ziaaka um ahi zaw ahi. I zillai masa lam ua khan Pathian apat hukdam i hi, dan zawp ziaak hilo, “Khrista Jesu ginna ziaaka Pathian apat midik i hi tau a”. Hukdam hi kichetna chu ginna a Pathian thagau chan ahi. Ginna thagau thilthawnpiak i hetchian ahih chun ginna chauh hin thiamchanna kichian i muh theihna chu ahi. Ginna thiam i channa chu eimah thilpha hih ziaak hilo in, Pathian thagau eimah a um chun a sem zaw ahi. Khrista i ginna apat thil hih hunglang dawk chu - Thiam changta leh Siamthakna(Piangthak) hi ahi. Zia chuh ginna apat Jesu khrista bukimna a um te i hihna Pathian in a phuan latna leh eimau a Pathian thilguan thagau thiangtho umpihna a hinna thaka khanglian leh kumtuang tianga pitin hi ahi.

Ginna a thiamchang i hih nau a kichian mah mah ta, himahleh Pathian thu a hihna tak hi i ngaihtuahloh leh i gelloh ziaakin khrista pat ila pet gam la sek ta ahi. Paul in Galatia gingtute “Mingawlte haw”(Gal. 3:1) tin agen hi.

**Zillai - 19**

**HUKDAMTE HETDING**

Bible sim di - Rom. 6:14; Eph. 2:8.

I gam ahin Pathian hukdamna thu ziltilna limtha hi achiah zel a, kochuam a mi tamtak in i tuihpih mah mah sek a, kochuam in a gen a ngai pawimawh zo talo, ei mau sunga tu ta dihin umlo in alang a, mahleh hun chiah zel a gingtute i det theihna dingin hetchian a phai.

**KHRISTA HIHNA :** Zawlnei(Zilsaktu), Thiampu(Tantu), leh Lal(Lalpa leh Houtu) hihna hi a chapa'n mihing leh Pathian kikala chamna a siamna ahin Pathian in a piak hilo ahi em? Bible hin zia ahihna zosia pawm a, mang ding hin ei ziltil hilo maw? Jesu ngei khan hukdamna leh amah zuitu hihna kha, hukdamtu a hihna leh Lal ahihna khen theih ahi puai. Jesu khrista hihna khen chuam a, pawm chuam chi hi in a langlo ahi.

**GITLOH SIMNA UMZIA :** Bible ei ziltilna a chun simna leh ginna hi a chiah kawp zel ahi. Simna chu gitloh taisan, ginna chu Jesu lam zuan ahi. Charles Ryrie leh mi khenkhat in a ngai pawimawh lo uh ahi. Khenkhat in “Ngaihndan theng” gual mai in a ngai ui. Hodges chun “Nu theng/sang” ahi tih ahechian a, zia chu hukdam hihma hem, hih nung hem a lang dingin a ngai a, langlo a um thei hin le a ngai hi.

**PIANGTHAK HIHNA :** Pathian thu'n pianthakna a tih chu thita suk hin kitna hi ahi, zia mihing lunggil chu siamthakin hinna nei leh piangthak ahung hita. Mi thak a hih tak ziaakin gitloh suaka lut kit chu a ut kit ta puah a, zia pianthakna zal chun a lunggil takin Pathian hetchian diak, hehpih, nasep sak, gin, a thu mat/zawp a nuam ta a, thumang tak a a nung zuitu hih chu a nawp lam ahi ta ahi. Ginna hi Pathian in lunggil a siamthak pak dawhna mai ahi.

**PATHIAN HEHPIHNA :** Pathian hehpihna chu gitlo en liam mai a, gitlohna tawh umkhawm zing theilo ahi. Hehpihna tak chu Pathian phatna mi gitlohte kianga lang; gitloh thilhihtheihna leh gitloh gawtna apat hukdawktu hi ahi (Rom. 6:14).

Ginglote leh migitlote chun thiamloh changin a gitloh man mun a. Khrista ginga, a thu zawmtu te ahihle chu a langchanga thiam chansak in in tiu in, lopina a lawplut in um ina.

Chipchil zaw ah zik, i thugin ah le pawm, Westminster Confession of faith, Bung 13:1 chun, “Lawhting taka koh, siamthak leh lungthim thak nei a, amau a thagau thak siamthak te chu, khrista thihna leh thawhkitna thilhihtheihna leh Pathian thu leh amau a cheng thagau chun a mimal hinna ah a takin a suthiangtho zel a, taksa a gitloh suak ngawngkawl chuh suksiat ahi a, amah ah gitloh tin chengte chu ngaihnepe leh sukchau in a um zel hi; hukdamte hindan pha a hing dingin sukhah leh suk hat a um zel in thianthona lam a hawh zel ahi; zia thianthona tello chun kuaman Lalpa amu thei puai”. A chian tawkhawp mai hi.

Mi kuale Pathian in a chapa deihtak pawm a, a thagau lawhting tak a akoh a a sukthiantho te chu hehpina mun apat a pukden thei puai, a tawp tiang in a bawl ham ham zel in, kumtuang a hukdam in um ina. Hukdam leh hukdam loh chu thiangtho taka hing dinga sep ham ham na a chauhin a lang ahi.

**Genkhawm di :**

1. bang ahem i gin, bang ziaka gingcha..?
2. Bang ziaka sem di ihi em..?

.....xXx.....

A lak ua ziltiltu diklo ahung a, agen tak phawt kha pawm mei, i thugin tawh a kituak nam tih a ngaihtuahlo uh ahi. Thada, chu maimai a diksa guala lu suk. A kigen amau a kibulh lo in, a dik a ngaihtuah tawp. Ginna thiamchan ahi ti ve tho in, a dem lo ahi. Hinla, thil neucha khat hukdam hihna dinga kibehlap chu Pathian ma thiam i channa dingin ginna leh zektan ahi tin agen hi. Zia haw zia hin ahi ngaituah det det leh gel a pawimawhna chu, thil neucha zia kin i chiahsual thei ahi.

Gingtuten i chan uh hinna thak zia chu thagau thiangtho thil thawn piak ahi. Paul in Gal. 3:2 ah “Nangmau apat het ka nawp hi; Dan thilhihte zia kin ahem thagau chu la mu’u ah, la het ua la gin zia kin un..” a ti’i. Paul in thagau thilpiak hi la hetau hilo ahem? Thilhih ziaka zia gual thagau thilpiak hi mu ahi puai. Thagau thilpiak chu kumtuang hina, zia chu Pathian in a puh ahi. Mihing sep phat ziaka hukdam hilo in Jesu ei haw sika a thuakna leh thihna zia kin Pathian masangin mi bukim i hi zaw ahi. Jesu’n agen a; “Keiman Pa kiangin dawn ‘ing ka tin, ama chun thamuanpa dang, bangtik lai a le la kiangua umzing ding - thagau thutak”(Jn. 14:16-17). Thagau thiangtho chu Pathian in ei pia ding ahi; a umpihna chu i lawh dawkw zolo ding ahi, napha sep zia kin.

Thagau ga chu thagau thiangtho thilthawn piak ahi. Min Pathian ahun gin phat leh thagau thiangtho thilhihtheina in mi thak ah siamin a um ahi(2Kor. 5:17). Hinna thak hinkhua in ahung kilang dawkw panta ahi. Zia chu thagau gah tia gen in a um hi. Zia Pathian thagau thiangtho nasep ziaka hung um gingu te ah hung langdawkw sek chu hehpina, kipakna, chamna, thuakhatna, nunnemna, phatna, ginumna, dawzawna leh mani kithunna te hi ahi (Gal. 5:22-23). Thagau thiangtho mihing lungthim a chengin amah hinkhua thiangtho nungchang chu ei mah ei hun pia a, amah gual in ei siamin ahi (2Kor. 3:18).

**Genkhawm di :** 1. Pathian ma thiam i channa hi bang gual ahi em?

2. Thagau thiangtho i chan hi bang in ahung lang dawkw sek em?

.....xXx.....

**Zillai - 13**

**GINNA A HUKDAM I HIH BIBLE IN EI ZILTIL**

Bible sim di - Gal. 3:6-14.

Ginna hukdam i hih nau a umzia i zil tau a, zia chu Ginna thagau thi-angtho gingtute a piak chu ahi. Tichun Pathian mah ah midik leh siamthak i hi ta, zia chu thagau thiangtho chenchilna zal ahi tih Bible in ei zilttil ahi. Bible hi Pathian kamsuak(2Tim. 3:16). Thumal i muh sek Bible in a gen tih umzia chu Pathian in a gen tih hi tawh kibang ahi.

Paul in Galatia mite kiangah “Pathian lehkha thu chun Pathian in, ginna ziakin Jentel te thiamchansak ding ahi ti hemasa’n, nangmah a chun mi zosia malzawl in hung um ina’u” tin Abraham kiangin chanchinpha chu ala gen lawk tai (Gal. 3:8). A thumal Pathian lehkha thu umzia tak chu “Pathian in a gen” i hetchian chun a thu a hetnawp ahi. Pathian in ahe, Jentel te chu ginna hukdam ding ahiu, nasep ziak hilo. Zia hi khrista ma a Abraham kianga chanchinpha chu gen ahi. A gah chu mi zosia chung a malzawl hi ding ahi. Zia apat hin Pathian lehkha thu a Abraham hinkhua apat Ginna hukdam ahihna a sulang ahi.

Ginna a hukdam ahihzia Pathian lehkha bu ah Abraham hinkhua apat leh a chapa ah muh ahi. Abraham chun Pathian a ginga, Pathian thu chu a manga, ziaziakchun Pathian in a ginna chu apawm a, Pathian panglo in bangmah ahihtheihlo dan he in, Pathian ah a kinga tawp a, Pathian in a gen tak chu ging a sem a, zia a ginna chu a dikna a guat ahi. Dan thil hih ziaka dikna a umloh dan a kawkmuh theihna dingin thuthunglui ah kipat in Dan thilhih ziak hilo in, ginna ziaka thiamchansakna umzia a taklang ahi. Ei uh ding inle ginna hi a pawimawh hi.

Bible manga ginna hukdamna hi Pathian thutep a mite ahopih na chu ahi (Gal. 3:8; 2Tim. 3:16). Zia ban a Dan um masanga apat ginna hukdamna hi Pathian thutep(Gal. 3:8). A umzia chu hukdamna thutep chu Abraham kianga dan um masanga piak ahi.

**Zillai - 18**

**GINNA LEH NASEP LEH PCI THUGIN**

Bible sim di - Thupuan 20:12-13; Rom 14:11-12.

PCI thugin chun ginna ziak chauh a hehpihna a thiamchanna a chiahpilai in, a thugin phuan dawh zosia ahin a gen kimzo puai. Hetkhial khak theih hi in ahe hi mai thei ahi. Jesu khrista ginna dik tak ah chun nasep/thilhih atel zel dan chian takin zia thugin ahin i mu.

Zia chungchang hi Rev. Dr. Ramengliana in *Rinna leh thiltih* apat lak -

**Thugin I** - hin hukdamna Pathian nasep hi a sello ahi, **Thugin VI** - ah chun “Thagau thiangtho, Pa leh chapa apat hung pawt chun mihingte chu hukdamna changtun a siam a...” tih muh ahi. Zia chu chiguk(6) in a genchian ahi. (1) *A gitloh zia’u leh chunggik dante a hetchian sak a*, (2) *khrista hetna lam ah a lunggil a suvak a*, (3) *a deihtelna te chawk tho in*, (4) *Jesu khrista chu Lal leh Hukdamtu a pawm dinga ngen in*, (5) *Pawm thei dingin a pui a*, (6) *amau ah dikna gah chi tincheng a semdawk sek hi*. Zia gahsuah zosia hi hukdamna gahsuah bukim chu ahi. Zia hi i kohchuam hukdamna chiahpidan; Pathian hehpihna changtu hukdamte ah zia zosia hi lang ngei dinga ngaih ahi pen hi.

Chun **Thugin VII** in ti hin a gen zawm a, “Pathian in khrista a chun mi zosia kianga hukdamna bukim chu a thawn in ahun pia a, a gitloh teu sim ding leh Lal Jesu khrista chu a hukdampa pawm a, gin dingte, amah entawn a, Pathian deih gual taka kingaitawm leh thiangtho a hing dingin thu a pe a, khrista ging a athu zawmtute chu hukdam ahi a, gitloh ngaihdamna te, thiamchansak na te, Pathian cha hihna te, thagau thiangtho chenpihna zala thianthohna te, kumtuang lopina a chang hi” ati ahi.

**Thugin X** na ah chun ginna leh nasep kizawpna, vaihawmna ni hun a a pawimawh zia, zia gual hin muh ahi “Ni nunung ah chun mithite chu kaihthawh in um in nau, mi zosia khrista vaihawmna chutpha mah ah lang intin, zia damsunga a thilhihphat leh phatloh gual zel in vaihawm sak hin ah.

**(III). HAUSAT SAK :-** A thumna Pathian goluah tu chun kidang tak chu tawp chin umlo a Pathian apat suk hausa ihi. “Ka Pathian chun khrista Jesu ah a hausakna dungjui in, la taksap zosia’u chu hun pian’a” (Phil. 4:19). Pathian cha ihih ziakin muang takin malam i en hi. “Thilpha tasam ngeilo ding ihi” (Sam 34:10).

Ginna hukdam ahih kichenna azawhna tiang ahin, ginna chauh in hukdamna goluah tu hihna i chang thei ahi. Go thil hi i nasep a lawh dawh hilo, aneitu’n a hunbi guat a tin phat a, athil ei kipia chu ahi (Gal. 4:4). Jesu ahung ei uh dingin ahin a, a thi a, a thokit hi. Zia hun a chun ginna hukdamna goluah tu hihna Jesu gingtu zosia dinga guat chu ahi. Mi khenkhat ziltin a chun a nasep phat ziaka hukdamna chan hi ahi. Nasep zia hilo in, Jesu khrista ginna zia chauh hi Pathian hukdamna maktak lampi chu ahi. Zia gual ginna hukdamna la nei em? Tu leh kumtuang a dingin Pathian cha la hi em?

**Genkhawm di :**

1. Pathian goluah tu dite kua, bang tik leh aluah di..?
2. Pathian apat i go chan dite bang ahi diam..?

.....xXx.....

Ginna hukdamna hi Pathian thutep Abraham a thagau chi kituh chu ahi(Gal. 3:9). Zia hin Abraham kianga thutep latna chu a chapa Isaac ah, Isaac ah chun Pathian in khrista ah a lang hi, amah chu ginna hukdamna kingakna buldet chu ahi.

Ginna zia chauh a hukdam ahihna Pathian lehkhabu’n a gen hi. Dan zuih bukim ziaka ei mah ki hukdam gua i hih chun bible tawh kituaklo i hi. Kuale thilpha hihziak a hukdam hih gua chu hansia nuai a um ahi, hansia tih chu thina ahi. A naih zaw sem in en ta leh hin-Gal. 3:10-12 zia hin gitlo chu bang ahem tih ei ziltin a, chuleh hukdam i hih zawh ah hin ding dan ei kaww muh ahi.

Bible hin kichian takin abul apat ginna hukdam ahih a sulang a, nasep a kipan ahi lo ahi. I kingakna bulpi kumtuang kinepna chu ginna hukdam leh ginna chauh ahi.

**Genkhawm di :**

1. Pathian lehkhaha thu tih umzia..

.....xXx.....

**Zillai - 14**

**GINNA CHAUH A PATHIAN THUTEP HUKDAMNA**

Bible sim di - Gal. 3:15-18; 1Pet. 1:3-4.

Hukdamna chungchang a i zillai masate ah thagau thiangtho eimau a chengin, hinna thak ei pia zia chun ei mau ah thianthona atun ahi. Chuleh, Pathian in ei ziltin a bible apat lam zosia leh mun zosia mangin ginna hukdamna lampi a siam ahi. Tuni i zil ding uh ahihle ginna hukdam kichetna, zia chu hukdamna ei uh dinga Pathian kitepna, zia thutep ginna hukdamna i chan ding uh Jesu khrista nasep zawh tak chu ahi.

Kitepna ahihloh leh thutep hi pawl leh pawl kikal a, mimal leh mimal kal a kinawptuahna thuthung chu ahi. Mikhat in a huan a nasep ding a guai in, zia zat hi hun pia’ng ka tin ani tak in a pesek hi. Thutep(covenant) thumal hi bible in a muh zing ahi, Pathian in mihing te kianga a tep thagau

piak tiam chu ahi, zia gual chun mihing inle a bawl hi Pathian kiangah. Zia thutep thagau a kinawptuahna hi a sangin, mihing te zia kinawptuahna chun a chunkhawm ahi. Lungthim sukha mah mah mi masate kianga Pathian thutep Noah kianga tuilet zawh a (Gen. 9), zia thutep ahin Pathian in tuilet taklohna dingin Uizo ahi a. Zia chu i muh phat le tuilet talo ding ahi a hetsak hi.

Lungawihna Pathian thutep gingtute dinga a piak a tiam chu go ahi. Bible in ginna hukdamna thutep chu la gochan uh ahi. Col. 1:12 “Vak a mi thiangthote goluapi dinga hun siampa, pa kiang ngei a chun kipak thu gen un” Golua tih hi i inkuan naite apat thil bang hem khat hung um chu ahi. India a chun chapa lianpen in a van/thil neih zosia’u chu a nu-leh-pa athi phat leh a go a luah ahi. Ahin Peter in zia a gen goluah tih hi - “I Lalpa Jesu khrista Pathian leh pa chu pakin um ta hen. Ama chun ahehpina lopi takin, mithi lak a kipat Jesu khrista thawhkitna zal in, kinepna hing mu dingin hinna thak ei pian. Gochan, setheihlo, buak kailo, chuai theilo, van a nanguh a dinga khek ah um chu mu ding leh, hukdamna hun nunung a hung kilang dinga guat zawsa chu mu dingin, ginna zia ah Pathian thilhihtheihna ven la hui hi”, (1Pet. 1:3-4).

Paul in gingtute hukdamna abul apat a tawp tiang ding agen hi. I hukdamna hi Pathian hehpihna lopitak apat kipan ahi. Pathian chun a hehpihna chu a latsak ah, migilo i hihlai ua khrista chu i sik un a thi ta ahi (Rom. 5:8). Pathian hehpihna chun pianthakna leh kinepna ei pia ahi (Jn. 3:3,5; Rom. 8:24; Tita 3:7). Zia kinepna hing chu Jesu khrista thihna kipat a thohkitna apat dawn ahi. A zia chu Jesu thihna apat a thokit gualin gingu zosia le thina kipat thokit ding ihi.

Pathian thutep hukdamna hi Dan in a kinga puan, Pathian thu mah a kinga ahi. Paul in “Golua ding chu dan zia hileh, thutiam zia ala hi ta puan tin; himahleh, Pathian in thutiam ziakin ahi zawi, Abraham kianga ala piak chu” (Gal. 3:18) tin ala gen hi. Tuni hin goluah dinga taksanna leh ginchakna hing nei in, van a kawih khek a um, gochan setheilo, buak kailo, chuai theilo chu mu ding la hi.

#### **Genkhawm di :**

1. Mihing te kianga Pathian thutep bang ahi em?
2. Pathian hehpihna lopi tak kilat dan.

Pa’n ahun guat a tun phat in (Gal. 4:4), go luahtu ahihna hunbi guat ahung tun phatin, “Pathian in a chapa ahun sawl (Rom. 5:6), “Numei ahung piang in” ei haw gual in (Mat. 1:18; Phil. 2:6-8) cha hihna i chan theihna ding leh dan nuai a umte tandawk dingin a chapa Jesu ahun sawl ahi. Jesu khrista i hun gin phat in, kumtuang hukdamna thilpiak (Go) chu ei pia ahi. Kuama’n ei laksak theih taklo uh ahi. Tuhin Pathian cha sak a um ahih tak ziakin, a chapa Jesu khrista’n apa Pathian a kova, Pa atih theihna thagau ei pia, cha a siam ihihna a sulang diak hi (Rom. 8:16). Zia hi Pathian tawh i kizawp thakna chu ahi.

Pathian apat dinmun thak i chan uh chu “Suak la hita puau in, cha la hi zaw tau hi” (Gal. 4:7). Suak gual a gam la tak apat hun naihte gual hita loin, dan leh mual chun ei kankhawm ta ahi. Zalen tak a Pathian i naih theihna hi dinmun thak cha hihna ahi. “Pathian cha sak in i um ta” (1Jn. 3:1). Pathian inkuan a simtel i hi ta, kuale Jesu khrista gingu phawt chu zia inkuan mi chu ahi.

Ginna hukdamna apat gah imuh dang khenkhat te - Pathian apat go chan thak, zia chu “Pathian zal in a goluah ding la hi tai” (Gal. 4:7). Zia kumtuang hinna go Pathian tawh i luah theihnau thagau thiangtho nasep ei uh a thilsiam thak ahi. Paul in hitin agen “Kuale khrista Jesu ah aum chun, thil siamthak ahi ta, thil luite chu a beita, a hung thak kit tai” (2Kor. 5:17). Chuleh, Paul in Phillipi bung 4na Pathian goluah te gah muh chi thum a gen chu-

**(i) LUNGAWINA KIM :-** Khatna gah kidang tak Pathian apat i gochan uh chu lungawina kim, i mamawh zosia neitu Pathian ahi ti i he. Paul in “Bangkim ah lungawih dan ka thiam ta” (Phil. 4:11). Zia hin Jesu nasep zawh hukdamna ven leh kuale zia ginna nei zosia chu Pathian cha hi kihetna lungawihna bukim chu ahi.

**(ii). HATSAK :-** Pathian goluah tu ihih a lungawihna chauh hiloin ei hatsaktu le ahi. Paul in “Ei hihatpa khrista zal ah chun bangkim bawl thei ka hi” ati (Phil. 4:13). Kei Pathian goluah tu ka hi’n - a hauhsakna chauh hilo in a thilhihtheih na leh thahatna tawh luah ka hi. Jesu thawhkitna thilhihtheihna a chun ka um ahi. Pathian in malam a chiah dingin ei deih - mahni hatna suang lo in, ama thilhihtheihna leh hatna suang a kalsuan dingin ei deih hi (Eph. 3:20).

Kingaihtuah in ginna masang a mi la hi em? tu tianga nangmah sep leh bawl, ahilhlohleh nang ngaihtuahna chapona awk zing nalai la hi em? Zia guala chu Pathian mu gua la hem? Tun sim inla, Pathian lungsiatna ahin kipelut in. Khrista ginna hukdam a umte chun kumtuang lopina Go luah ding ahi.

**Genkhawm di :**

- 1. Thilpha hi ziakin mihing hukdam ahi diam?

.....xXx.....

**Zillai - 17**

**GOLUAHTU GO CHAN**

Bible sim di - Gal. 4:1-7.

Tuni zillai a i etkhawm ding uh chu Hukdamna Jesu khrista gin ziaak chauh ahi, dan zuih bukim ziaak ahi pua a, Paul in hukdamna eimau ah ahung tun gual in cha chun go a luah ahi, a hung tun ding ni chu Pathian in a gen hungtung ding ahi, zia chu chapa'n a lawh dawh zaw guallo go chu ahi. Pa'n ani-leh-hun tiam atun masangin chapa'n go chu a luah theilo ahi. Pathian in ei guat sak hun kumtuang hinna go i luah ding chu, ahung tung bukim ta, a chapa ahun sawl Jesu, "Numei ahung piang" leh "Dan nuai a hung piang"(Gal. 4:4). Zia chu kumtuang hukdamna mitphel kal a tung chu, Pathian dan vawp phat hun kha ahi puai.

Ginna hukdam ahinna hilchianna dingin Paul in Gal. 4:1-2 ah "Nau-pang ahilh lai sia.....a dawnte leh enkawlte nuai ah chun a um zaw ahi" atia. Mi zosia'n go a luah thei a mahleh go chan neilo ahi. Judate dan a goluahthe ding chu a kum a sawm-nih-leh-nga(25) atin masang sia a mah thuthu'n a neih-leh-go zosia ahingtu a pa thita leh le, a chen in a deih dan in a bawl thei puai, a dawnte leh enkawlte nuai ah chun suak gual in dan nuai in a um ahi. Zia gual hin Pathian in go luah ding ei guat sak, a hun guat chu ahungtung masang sia chan theihlo ahi. Bang hileh, a hunbi ahungtung phat leh i dan leh a enkawlte apat pawt in, ei mah thu neihna hi tan a.

**Zillai - 15**

**HUKDAMNA DINGIN DAN CHU THANEILO**

Bible sim di - Gal. 3:19-22; Mat. 5:17-18.

Tuni i zillai dinguh hi, ginna hukdam ahilh kichetna lina ah, thil hih ziaak hilo, ahilhlohleh sakhua dan zuih bukimna hukdam hihna ding ahin Pathian dan hin thaneihna neilo ahi. Zia thu ahin Paul in dawtna ahun siam a, "Bangti dan ah dan chu um ahem? (Gal. 3:19). Zia hin hukdamna eitut lo a, kumtuang thihna ei tut ahilh chun, Pathian in dan chu ei pelo hileh pha mei zaw lo ding hem?.

Ze tak ahin Paul in dan hung um na ziaak Pathian in Mosi kianga ala piakna ziaak chu gen in, "Dan hi, chisuan thutiamna chu ahung tunkim ma a mite ala puihuaitu ding, lampi kawkmutu dinga Pathian in a piak ahi" atia. Dan thupiak chun gitlona a thiamlo chang ahilh ziau a hetsak hi. Sukkhialna laka kivenbit theihna dingin dan hi piak ahi. Dan hi thutiamna chisuantu chu ahung masanga dinga piak ahi. Zia thutiamna chu Jesu khrista hi ahi. Jesu'n dan thutiam chu Pathian thupiak zawm in a subukim ta ahi.

Dan hin kichian takin ahilhchian a mihing amah in a ki hukdam thei puan, thiam a chantheilo ahi. Dan in a kawkmuh chu hukdamtu ngai, zia chu khrista ahi. Khrista ahung phat in dan chu a mamawh talo ahi. Dan hi thutep sangin a neu zaw'i. Dan chu hun chawmlo kal sung a ding ahi. Khrista hung tiang kha dan chu a um hi. Tu'n dan hansia nuai leh thiamloh channa kipat khrista'n ei hukdawk ta ahi. Dan hi vansawlchak te manga palai(mosi) ah piak ahi(Exo. 31:18; Nas. 7:53). Pathian thutep chu vansawlchak leh Mosi mangin ahung tung a, dan sangin a chungnung zaw ahi.

Hukdamna umzia hi eimau a ki-en thak hitiu. Setan in ala, Pathian in a piak. Gitlona chu i la ahilhlohleh chan, hukdamna chu piak ahi. Pathian hukdamna hi van khawpi a chiah ding ihih hetna mei hilo in gahsuh hinkhua a hin hi ahi. Neitu hinkhua apat petu hinkhua ei hukdawk ta ahi. Hukdam umzia chu hinna siamthak kit, hinna umzia chu piak hi ahi. Dan in ei muhsak chu ahinglo ihih hi ahi. Ginna Pathian hukdam ihi, Dan chun hinna thak a i hin ding dan ei kawkmuh a, zia chu lunggil zosia, hinna zosia, ngaihtuahna zosia leh nangmah la kihepi gual in la vengte la hepi ding ahi" (Mat. 22:37,39).

Ginna chauh a hukdam hih kichetna, Dan chu min hukdamtu a pawimawh tak zet hi tih a hetchian sakna dinga piak ahi. Dan leh thutiam chu bangma hin a kallo ahi. Dan hi piaka a umna ziak chu mihing te gitlo kihetchiansak zaw ding leh dan a dikna sanga phazaw thutiam chu a pawimawh zia kihetchiansak zawkna dingin leh eimah dikna leh phatna thiamchansak in a umlo ahi. Jesu khrista ginna ziak chauh in thiamchansak in a um zaw ahi.

**Genkhawm di :**

- 1. Gingtute dinga Dan pawimawh na bang gual ahi em?

.....xXx.....

**Zillai - 16**

**GINNA PATHIAN CHA**

Bible sim di - Gal. 3:23-29; 1Jn. 3:1.

I zillai masa khan dan in ginchak theihna dinga tha neilo ahi tih i gen ta. Thingbak dawnthak thei gual ihi ta, mahleh Pathian thilhihtheihna eimah ahung luang chun duah leh gah ahun suah ahi. I hinna dingin dan in a neilo ahi. Hukdam hihna dingah dan hin pan mun pawimawh tak anei zing hi, a ziak chu gitloh kihetna leh hukdam ngai i hihna Jesu khrista kianga ei pui a, hinna neihna dinga nasem in ei pui in, tichun ginna hukdamna chu chang thei ta ihi.

Tuni i ngaihtuah khawm ding uhi Pathian dan vawp phat ziaka hukdam ahi pua a, ginna ziak chauh a hukdam ahi zaw ahi. I hetthiam theihna dinga pawimawh en hitiu. Gal. 3:23-29 hin chi nih in a khen - “A ma” leh A nung”. A hun genchian “gin ma” leh “gin nung”. Dan nuai a i umna hi gin nung chu ahi. I zil ding uhi lam nih a khen ahi a, zia chuh bang ti dan a Dan a khum, leh bang ti dan ah ginna Pathian cha sak a um tih hi ahi.

**I). GINNA HUNG TUN MASANG :-** Khrista chanchinpha hung tun masangin Dan a khak khum ahi. Paul in a gen “Pathian lehkha thu chun gitlona nuai ah bangkim a khakkhum ta ahi” (Gal. 3:23). A umzia chu Dan a khakkhum tih leh gitlohna a khakkhum tih hi thu kibang ahi.

Gitlona leh Dan nasepkhawmna chun thiamloh ei chan hi. Gitloh thilhihtheihna chu Dan ahi(Rom. 7:8-11; 1Kor. 15:56).

Eimah ki-etchian na dingin - Khakkhum hun. Zia hi Jesu khrista a thi, ei haw dinga hung kipia ginna Pathian hukdamna chu i gin masang uh genna ahi. Paul in “Jesu khrista thihma leh i gitloh man a piak tak, i gin masia’u chu Pathian Dan nuai a um hi ahi. Kuale Jesu’n i gitloh man apia ta tih ging nuamlo te dinmun chu ginna masang tih ahi. Chuleh Dan in a mat, India khua-leh-tui hihna nei ta chun India kivaipuak dan a zui ding uh ahi, Dan enkawl kawih ahi Police, amah hin dan palkek te man in suangkul in a kawi hi. Pathian dan le zia gual chu ahi, ana chu kuale Jesu gingo chu mat leh khakkhum ahi Pathian dan nuai ah kumtuang a thiamloh chang ding ahi.

Zia gual thutanna pelh theihna dingin Jesu khrista ginna ziak chauh hi dan nuai a pat ei zalen sak tu chu ahiau.

**II). GIN NUNG/ZAWH :-** Bang gual a Dan apat thiamlohchanna sung a pawt in, Pathian inkuan a lut i hi. Pathian inkuan ihung hihna hi ei etsak nawp chu ahi. Ei ziltil nawp chu Pathian chate hi kibang vek ahiau a, Pathian cha sak a um zosia chun голуah ding ahi. Pathian inkuan a lut theihna chu ginna chauh hi ahi, Dan thu zawp ziak hilo. Khrista Jesu ginna ziaka Pathian cha sak a um ihu(Gal. 3:26). A nasa mahmah Bible in ei gen. Pathian cha sak a i um : “Ngaitiam un, Pa’n ei hepina ziaka Pathian cha ei sak tak hi a nasa na lawmlawm e, zia gual ding chu i hi him uh ahi:(1Jn. 3:1). Zia hi i sep ziak hilo in, Jesu khrista ei haw dinga a sep takna ahin Pathian cha sak a um ihi zawi. Khrista min a gin phat leh a van luite paih in khrista a kivan zawn, zia chu khrista dikna i kivan nau chu ahi. Khrista bapisma chan hin gitlohna nusiah a hinthak ah hinna ahi (Rom. 6:3-4; 1Kor. 5:17). Pathian chate zosia chu a kibang vek ahiau a, Pa Go luah dingte ahiau.